



Wantok



True
Buli Bif
Bilong
PNG.

Namba 2002 Januəri 10 - 16, 2013 28 pes

Niuspepa Bilong Yumi Ol PNG Stret!

K1 tasol

7pm - 7am

19¢

per MB

ENJOY OFF PEAK INTERNET RATE



24/7 Customer Care: Call 145 6789 or www.telikompng.com.pg

FRI TOKTOK LON OLGETA MAN MERI

Toktok wantaim ol wantoks
lon 2 minits na kisim
narapela 13 minits fri

Sizzling deals
only with Digicel.



LONGPELA PIS BILONG KEAPARA: Rachell Ila na pikinini bilong em Tony Ila save maketim pis bilong tupela olgeta avinun long liklik maket long Renbo long Gerehu, Pot Mosbi. Rachell save wetim ol ples lain bilong em kisim pis kam na avinun taim em go sidaun salim pis. Rachell na pikinini bilong save pilim sef long dispela liklik maket long Renbo na tu planti lain save stap long hap nap is bilong em save pinis hariap. **Stori na Poto Nicky Bernard.**



Digicel

PNG's Biggest, Better Network.

Pay the first 2 minutes at your normal email rates and get your next 13 minutes free on the same call. Free After 2 voice applies to calls to local mobile networks and available to prepaid customers only. Terms and Conditions apply. For more details see www.digicel.com.pg or www.digicel.com.sg. Digicel may end this promotion anytime without notice.

Spes i sot

... 17,000 Gret 12 sumatin wokim tes na 4,000 tasol kisim spes

I go moa long pes 2

**Ailan sindaun
long bikpela
wari
- Pes 2**

**Tisa lonsim
intanet benking
websait
- Pes 4**



OCEAN BLUE TUNA

*Getpela abus tru na
i no dia tumas!*

OX & PALM



Ailan sindaun long bikpela wari

David Bill Leo (UPNG janelisim sumatin) i raitim

TUPELA wail laip menesmen eria bilong Papua Niugini na nesanel pak insait long Is Nu Briten provins i sindaun long bikpela wari long wanem ol i nogat sapot long nesanel gavman aninit long Dipatmen bilong Enviromen na Konsevesen (DEC).

Dispela em i soim aut bihain long tupela wik longwok karimaut bilong ekolojikol we dipatmen i lukautim bikpela solwara eria i bin kamap.

Dispela eria ol i bin lukautim em Nanuk (mak) na Talele ailan. Ol bipo kolonial edministresen bin sanapim dispela eria bihain long 40-pela krismas i go pinis. Talele i bin

gesetim long 26 Novemba 1973 na Nanuk long 6 Disemba 1973 na tupela holim wanwan 12-hekta.

Na tu wok painimaut i bin kamap wantaim ol komyuniti husat i holim strong onasip long netrol risev insait long dispela eria.

Tok i kam long ol opisa olsem husat i karimaut wok painimaut na tingting long putim risev i bin kamap gut tasol nogat sapot long nesanel gavman.

Hamas yia nau DEC i no halivim na tu givim wanpela wok polisi long sapotim onasip long provins na ol as ples manmeri husat i bin givim planti kontribusen long sindaun long dispela tupela ailan.

“OI DEC Opisa i bin tok orait nau long strongpela faundesem,” Ol teknokol tim i tok,

givim moa wok long ol opisa long kontrolim ailan na lukautim ol resev.

Sampela glasim wok bin kamap long marin na ol torestrel trensek, bis profail, ol sain bilong bipo animal na haus bilong ol, painim animal grup, glasim impek bilong animal grup we stap longpela taim na asua bilong klaimet senis long ailan na ol risev eria tu.

Tim i tok olsem hariap tru na glasim gut dispela tupela ailan, we ol stekholda i laik long lukim wok stretim i kamap. Sampela lukluk i bin kamap em ol ausait lain i wol long stilim ol samting bilong bikpela solwara o ol arapela komyuniti stap long dispela eria i wok long stil.

Long wankain taim bikpela hevi em i bilong global warning na mak bilong solwara i wok long go antap moa i stap.

Pato laikim Foren Afeas dipatmen long kamap olsem het bilong gavman

David Bill Leo (UPNG janelisim sumatin) i raitim

MINISTA bilong Foren Afeas na Tred, Rimbink Pato i laikim dipatmen long kamap olsem namba wan na het bilong gavman.

Pato i tokim olgeta wok manmeri bilong dipatmen bilong Foren Afeas na Tred long stet fansen rum long Paliamen Haus long 8 Januəri, olsem em laik stretim na kamapim dipatmen kam antap long top level bikos em i makim olgeta isu bilong kantri wantaim ol arapela kantri long wol.

“Dispela em i yia bilong implimentim na mipela mas hatwok long klinim na

senisim dipatmen bilong yumi long mekim em wok gut,” Pato i tok.

Em i tok gavman i pasim bikpela baset long dispela yia olsem na em bai sapotim ogenaísesen long olgeta dipatmen.

Dipatmen bilong yumi i save wokim bikpela wok long sapotim ol foren invesmen insait long kantri olsem na mipela mas wok moa long sapotim na prenim long kisim moa divelopmen kam long kantri,” Pato i tok.

Em tok bipo dipatmen i no wok gut orait long sampela krismas olsem na em askim olgeta wok manmeri long dipatmen long putim moa hatwok long bringim kam antap long namba

wan level bilong gavman. “Mipela em top dipatmen bilong gavman tasol mipela operait olsem ol arapela dipatmen.

“Mi save olsem i gat nid long gutpela haus bilong opis na ol arapela salens we nidim gutpela wok tasol mi bai traime long painim spes bilong dipatmen long operait,” Minista Pato i tok.

Em givim sapot tok long ol wok manmeri long wok pas wantaim em na namba wan sekreteri bilong dipatmen.

Na tu em i tok save olsem i gat plen bilong nupela foren polisi bikos bipo i gat foren polisi long kantri olsem na O’Neill Gavman bai lukluk long wok karimaut foren polisi.

i kam long fran pes

...17,000 Gret 12 sumatin wokim tes tasol 4,027 kisim spes

Veronica Hatutasi i raitim

SOT long spes long ol infrastraksa olsem klasum na ol leksarum long ol yunivesiti na ol narapela teseri skul long kantri i bikpela as long planti sumatin i pinisim Gret 12 long kantri i no inap skruim skul i go long ol dispela institusen.

Dairekta bilong Opis bilong Haia Edukesen (OHE), Profesa David Kavanamur, i tokim *Wantok Niuspepa* olsem.

Em i tok long dispela yia, pasin bilong sit (cheat) o lukluk stil long ol ansa na kopi long taim bilong tes i narapela samting, tasol sot long spes em i bikpela samting i mekim na ol teseri skul i no inap kisim planti sumatin i go long ol skul bilong ol.

Long dispela yia, 17,000 sumatin long kantri i bin wokim Gret 12, na ol i kisim tasol 4,027 long skruim skul bilong ol long ol teseri skul olsem ol yunivesiti, ol nesium na tisas kolis, ol teknikel skul na ol narapela bikpela skul.

Profesa Kavanamur i tok populesen bilong ol sumatin long ol skul long kantri i wok long go antap, tasol nogat long ol infrastraksa long ol yunivesiti na ol kolis.

“Populesen bilong ol sumatin i wok long go

antap, tasol ol infrastraksa olsem ol klasum, ol leksarum, ol haus slip bilong ol sumatin na ol tisa i stap liklik yet.

“Olsem na ol yunivesiti na kolis i kisim tasol mask bilong ol sumatin inap long ol infrastraksa ol i gat long em.

“Ol yunivesiti na ol kolis i stap long hevi long sot long spes long ol klasum na ol leksarum we ol sumatin i ken sindaun na skul gut long ol.

“OHE i helpim long stretim na mentenim ol infrastraksa i stap pinis, tasol dispela i no inap long kisim moa sumatin. Olsem na ol i mas lukluk long bikdim moa infrastraksa, tasol i mas gat moa mani long wokim dispela,” Profesa Kavanamur i tok.

Em i tok olgeta yia, gavman i save kisim tasol 4,000 na liklik moa i go long ol teseri institusen, tasol long dispela yia, mak i kamap long ples klia na kamapim bikpela wari tingting lon g ol papamama na pablik bikos gavman bilong O’Neill na Dion i givim bikpela fokus o lukluk long edukesen.

Em i tok long dispela yia, mak bilong ol Gret 12 sumatin ol i kisim long ol teseri skul i go daun long 3 pesen na sot long spes wantaim pasin bilong stilim ol ansa long failol tes i kontribuit long mak i go antap.



Ambrela Pulap: Pachy Nanai em bilong Kerema, long Trinde morning em kam long Mosbi long salim buai bilong em. Taim buai bilong em pinis na em lukim olsem Mosbi bai ren, em kisim mani bilong buai bilong em na go baim 15-pela ambrela na salim long rot long Mosbi, ambrela bilong em i go long K10 long wanpela. Foto Nicky Bernard

Waitim SABL Painimaut i no stret

David Bill Leo (UPNG janelisim sumatin) i raitim

KOMYUNITI sapot grup, Act Now! i tok olsem tok-save bilong Praim Minista Peter O'Neill olsem painimaut long Spesel Akrikalsa na Bisnis Lis (SABL) bai pinis nating olsem nogat klia det em i no stret.

"Mipela wokim komen long Praim Minista long tokim kantri olsem wanem taim painimaut long bikpela tumbuna graun olgeta hap long Papua Niugini i bakarap nating wantaim nogat wanpela wok plen i stap, tasol Praim Minista mas givim det we wanem taim painimaut bai pinisim na pinis ripot go long pipel

bilong dispela kantri,"E-frey Dademo, Progam Manesa bilong Act Now! i tok.

Act Now! i tok olsem Komyusin long enkori em i bikpela mup antap long pat bilong gavman, tasol i no gat trenspereansi na akaunbiliti olsem nogat ripot bilong komyusin. Wankain taim Bus Kliaim Lesenes aninit long dispela bakarap proses, stap yet efektif na tok orait long loging antap long stilim graun long go moa het.

"Sapos pipel bilong Papua Niugini i bilip olsem Praim Minista em i strongim long gut gav-nens insait long olgeta sekta, detlain long pinisim painimaut na puttim ripot antap long taibol bai gutpela mak," Dademo i tok

Pait long Wes Papua

David Bill Leo (UPNG janelisim sumatin) i raitim

PAIT bilong 26 na 27 Septemba, 2012 em kisim tuwik insait long Puncakjaya/Muhah eria long Wes Papua, TPN/OPM hai koman insait long Papua Niugini i givim oda.

TPN/OPM sos long Vanimo i soim olsem 2-wik pait namel long TPN/OPM grup na Indonesia Ami na Polis i lukim 5-pela polis i man dai taim TPN/OPM ripotim wanpela dai, wanpela kisim bakarap na wanpela ol Indonesia bos lain i arestim.

As bilong dispela pait insait long Prema, Tiom, Wamena na Puncak/Muhah distrik, olgeta insait long Wa-

mena Provins, em long kisim ful indipendents long Indonesia.

TPN/OPM sos i soim insait Vanimo olsem, O-eresen Komanda bilong Puncak/Muhah, Rijinel Komanda, Puram Wan-erangga Strangly i askim olgeta Wes Papua long sapotim tingting bilong kisim ful Independents long Indonesia na i no narapela samting.

"Nating tru i holim olsem namba tu referend-um long wanem pop-ulesen namba bilong Melanesia insait long Wes Papua sanap strong na i nogat senis agensim Esia papulesen namba.

Liklik grup olsem TRPP em ol askim long joinimTPN/OPM na pait agensim Indonesia long ful indipendents," Wan-erangga i tok.

BSP Personal Loan

- ✓ Fast Loan Approval
- ✓ Competitive interest rates
- ✓ Flexible repayment terms

Visit your nearest BSP branch and talk to us today!

320 1212 - 24/7
 servicebsp@bsp.com.pg
 www.bsp.com.pg

Find Us On:
 Facebook Twitter

BSP

PM: Manus asailem sika prosesing senta orait aninit long loa

David Bill Leo (UPNG janelisim sumatin) i raitim

MANUS asailem sika prosesing senta em stap orait aninit long loa bilong Papua Niugini na i no nid long suprim kot bai lukim.

Praim Minista Peter O'Neill i tok taim em kam bek long wan wik malolo wantaim famili bilong en long Brisben las wik Fraide.

Em i bekim tok bilong Oposisen Lida, Belden Nama husat i laikim tanim bilong kot we loa bilong Australia Gavman sapotim asailem sika prosesing senta long Manus provins insait long Papua Niugini.

"Mipela bai lukim sapos lida bilong oposisen i makim stret samaple asua aninit long loa. Mipela bai lukim sampela isu em autim aninit long mama loa bilong Papua Niugini bikos

nau gavman i sanap antap long loa we nau stap long PNG.

Mi na gavman i kisim long ol loya bilong mipela wantaim Atoni Jenerel (Kerenga Kua) olsem mipela i stap aninit long mama loa bilong PNG olsem na i no nid long wanpela bai go lukim kot." O'Neill i tok.

Memba bilong Vanimo Grin, Belden Nama, i tokim ol niuslain olsem em tokim

Henao Loa fem long Pot Mosbi long failim tupela suprim kot aplikesen long toksave olsem prosesing senta em i no orait long loa bilong PNG na rausim ol refuji bilong Iren na Afghanistan.

"Mi save olsem prosesing senta long Manus em ausait long loa na husat ol foren nesenel stap long hap em i no orait long graun bilong PNG." Nama i tok.

Olsem trasol O'Neill i

wanim olsem kot kes long daunim PNG olsem rejinel lida na holim siknetsa long planti ol intanesenel kibung.

"Mipela i bikpela kantri insait long Pasifik rijen, mipela i bikpela ekonomik insait long Pasifik rijen, mipela gat bikpela populesen long Pasifik rijen olsem na wanem samting mipela i mekim, mas respektim.

"Long dispela as em i namba wan long stopim ol lida putim kantri bilong yumi

long koesten taim mipela nid long honarim ol agrimen we sainim long makim kantri bilong yumi," O'Neill i tok.

Em i tok olsem dispela prosesing senta bin stap long taim bilong Michael Somare gavman bihainim askim bilong gavman na ol pipel bilong Manus provins.

O'Neill i tok olsem gavman bilong em i sapotim tasol wanem kontrak i bin sainim na tok long senta i ken stap olgeta.

TELE Apdeit

Buy your EasiPay with your Citifon SMS Service

Register your Citifon & Power Meter Number with your BSP Branch today and spend 50t for the transaction!

Step 1

• Own Meter

Type "Top" allow a space type "Easi" allow another space and enter amount.

(eg. Top Easi 10)

• SomeoneElse's Meter

Type "Top" allow a space type "Easi" allow another space and enter "Meter Number"* allow another space and enter "Amount"

(eg. Top Easi 1861338 10)

*Meter Number must be nominated to your BSP account first before you purchase EasiPay TopUP for another person.

Step 2

Send the text message to 16288 and await Mobile Banking Reply.

Mobile Banking Reply: BSP 955xxx Requesting K10 TopUP for "Your Name" EasiPay Meter #.

Reply with TopUp Code E123456 if Ok.

Step 4

Reply to 16288 with TopUp code to confirm EasiPay TopUp and await Banking Reply.

Mobile Banking Reply: BSP 123xxx TopUp successful 00001234567. Your K10 EasiPay token is xxxxxxxxxxxxxxxxxxxxxx for 13.6 units.

For more information, contact 24/7 Customer Care on 3456789.



Moa mani nid stap long skulim ol tisa bilong ol liklik pikinini

David Bill Leo (UPNG janelisim sumatin) i raitim

GAVMAN bilong Papua Niugini mas putim moa mani long skulim ol tisa bilong ol liklik pikinini we ol inap long sapotim skul pikinini bilong dispela level aninit long "PILAI" olsem bikipela rot long skulim.

Din bilong Edukesen Fekuliti long Yunivesiti bilong Goroko, Dokta Kappa Malpo, i tok taim em tok long Autkam Bes Edukesen (OBE) Riviu Forum long nupela developmen fremwok

tingting bilong OBE plen.

Em tok polisi aninit long ol skul bilong pikinini i nid long lukim ol pasin pas taim na bihain putim ol skul pikinini insait olsem planti skul insait long kantri no lukautim gut.

Dokta Malpo i tok olsem skul bilong liklik pikinini em kamap olsem bikipela eria long UOG i lukim long taim stret we institusen givim moa Diploma long skulim liklik pikinini i sanap antap long hom-gron karikolum insait long lebotori skul long kebas bilong ol.

Na tu akedemik i askim moa sapot long helpim ol

tisa edukesen institusen long lukautim profesenel trening long ol skul prinspol na tisa long gutpela sabjek konten na koliti diliveri bilong bikipela skul.

"Polisi senis bilong dispela skul bai sapotim olgeta provins long daunim bikipela namba stap long wanpela klasrum olsem 25-30 sumatin long olgeta level olsem na ol tisa ken helpim ol sumatin long wanwan long tingim sindaun," em i tok.

Taim kamautim ol hevi we OBE i bungim, forum i harim olsem i gat hevi long raiting

na tok English bilong ol Gred 12 sumatin UOG i kisim long en. Dispela em i bikipela hevi long ol tisa long wanem ol bai yusim tok English long komyuniket wantaim ol sumatin na em bai lait tumas long stretim dispela problem.

Insait long sains, Dokta Malpo i tok, "Sampela sumatin i slo tumas long namba wan lebotori wok insait long sains we i gat sabjek bilong sains na tu planti sekondari skul nogat save long sains wok."

Ol arapela tisa husat stap long forum, ol i tok olsem ol

tisa i nogat save inap long tanim wanem samting em i nid long lainim insait long OBE karikolum. Ol i lukim olsem ol sot long gutpela trening na tising risos na olgeta taim skulim 40-50 sumatin long wanpela klas.

Ol i tok olsem skulim planti sumatin insait long wanpela klasrum em i no givim inap taim long helpim wanwan sumatin long gutpela asesmen. Narapela bikipela konsen em ol tisa bai implementim gutpela OBE, em long gutpela pe na haus bilong ol tisa moa yet long ol lowa praimer level.

TISA lonsim intanet benking websait

David Bill Leo (UPNG janelisim sumatin) i raitim

TISA (seving bilong tisa na lon soseiti) i lonsim intanet benking bilong en long helpim ol memba i ken isi long go insait na mekim trensekse usim "My View Point" link long websait www.tsl.org.pg

TISA i amamas long tok-save olsem lonsim intanet benking we planti memba bilong en i tokaut long wol waid web.

Infomesen Teknoloji

menesa bilong TISA, Mista Geoff Ryan i tok olsem em i kisim 6-pela mun olgeta long kamapim My View Point wantaim hevi bilong teknoloji nid long helpim namba wan benking kondisen na trenim staf long 14-pela brans bilong en long PNG.

"Dispela em long kisim nupela prodak long oraitim ol Memba Sevis Opisa i bin redim gut long givim gutpela sevis go long ol memba.

"Sampela man gat kompyuta o leptop masin i ken go insait long My View

Point wantaim intanet ekse we balens antap long akaun we sampela trensekse i bin mekim em tru.

"Mipela askim ol memba long rejistaim long TISA brans stap klostu we yupela i ken isi kisim sevis. Olgeta memba mas komplitim rejisresen fom na putim long ol lokol brans we Memba Sevis Opisa bai staim akaun na givim ait nem," Ryan i tok.

Ol memba bai tu go long websait www.tsl.org.pg na go long login link we namba bilong memba mas putim long go long olgeta program

stap insait long My View Point.

My View Point em i stap long sampela yia na em wapela tasol long TISA taim ol i senisim dispela go long mamel stret long benking sofwea bihain long tupela krismas.

Sampela ol kipela kredit yunian insait long Australia na Niuzilen save yusim MY View Point na em gat nem na insait long benking integren.

Intanet benking prodak bilong TISA em makim long helpim ol memba isi tru long

lukim akaun balens bilong ol na kisim ripot pepa bilong ol akaun.

My View Point em i statim long taim plen bilong sosaiti i ken senisim kalsarel afes na go long ol memba bai kisim benking onlain sevis bilong ol. Ol memba bai karim moa sevis go long ol rimot ples eria na ol ples lain bai yusim mobail benking na oraitim ol memba long kisim onlain dinau.

Ol rejistresen fom nau i stap long websait www.tsl.org.pg na tu long ol TISA brans insait long kantri.

Ipatas: Enga Provins lukim bikipela baset long 2013

GAVANA bilong Enga Provins, Gren Sip Peter Ipatas i amamas long toksave olsem provins bilong em (Enga) bai lukim bikipela baset wantaim K216, 683, 800.00 we provinsel gavman i bin pasim long 28 Disemba, 2012.

Ipatas i tokim ol niuslain olsem aninit long O'Neill gavman i senisim nesenel baset go long provinsel baset na distrik sapot program, Enga Provinsel Gavman bai stat long givim ol sapot long Febuari, 2013.

Em i tok olsem nesenel sapot gren em K175, 864, 700.00 wantaim intenal revenu K40, 819, 100.00 na total bilong 2013 Enga Provinsel Gavman baset em K216, 683, 800.00.

"Yusim mani insait long ol wanwan sekta, 9.4 milien go long Helt, 46 milien long Edukesen, 2 milien long Ples Kot, 12 milien long Trenspot Infrastraksa Sapot na 4.1 milien long Praimeri Produs na Agrikalsa," Ipatas i tok.

Em i tok olsem taim em skelim daun baset long ol bikipela Program na Projek sapot long 2013 long kari-

maut ol wok aninit long ol bikipela sekta we inap long kamapim gutpela sindaun.

Baset i go olsem 10 milien long stretim Wabag Taun rot, Wabag - Kombiam rot 5 milien, Yambu - Londol rot 2 milien, Banisim Wapenamanda Ples Balus 8 mian, Enga Tises Kolis 6.1 milien, Hela Opena Teknikol Kolis 3 milien, Enga Nasing Kolis 1 milien, Kisim Paoa long Rural eria 1 milien, Pablik Toilet na sures sistem 1 milien, Komyuniti Sapot Program 1 milien, Spot Fasiliti Developmen 1 milien na Kalsa na Turisim Promosen, 3 milien.

Na tu insait long tok, em i salensim ol arapela gavana long kantri long sevim pipel na resis wantaim em long bringim sevis go long ol ples manmeri husat i bin stap long we tru long sevis bilong gavman bihain long tenpela krismas.

"Mi redi long givim ol sapot gren bilong provinsel wantaim nesenel gren long statim wok hariap long Febuari olsem tok promis bilong Praim Minista long yia 2013 em long givim sevis go long ol komyuniti na sosaiti insait long kantri.



PASIN POROMAN: Bihain long lotu em i taim bilong ol poroman, ol poromeri, ol pren, ol wantok na ol wanwok long bung, stori na kaikai buai samting. Long Sen Peter Sanel Peris, Erima insait long Nesenel Kapitell Distrik, pasin bilong dispela em i strong na strong olgeta. Yu memba bilong dispela peris, bai yu pilim olsem yu stap long famili na pasin bilong pren, tingim, sapot, wok bung wantaim na helpim narapela long gutpela taim na taim nogut i stap strongpela stret. Dispela lain meri i memba bilong Kingfisa na Krein Liteji grup (KFCS) i amamas long bung wantaim bihain long misa lotu.



OL MANKI GRUP: Ol mangi KFCS liturgy grup bilong St. Peters Erima i sanap wantaim olsem pasin brata bihain long lotu.

Nogat wol birua i kamap, tasol long PNG, em nomol

Em i wankain olsem yu draivim kar long Pot Mosbi.

Yu no inap asua, tasol bai yu bamim narapela kar yet.

Em i krangi olgeta.

Nogat wanpela draiva i save tingim ol trefik loa. Na ol

teksi na bas, em ol asua lain tru long dispela. Ol bai

suvim yu go insait long rot bilong kar i ron kam bek

long yu, na bihain, yu bai kisim sut toktok.



Sabina's Corner

ORAIT, nogat bikpela birua i kamap long namba 21 o 23 de bilong mun Desemba, 2012.

I nogat wanpela pola senis, bilong kamapim tudak long ples graun na kilim olgeta ilektronik masin bai ol balus, ol spai balus na ol setelait tu i pundaun long skai i kam daun.

Strepela tingting i tokim mipela olsem bagarap na pinis olgeta bilong wanem kain sistem, i no save kamap ovanait tasol. Nogat. Taim em i kamap, em i save bihainim longpela taim bruk daun bilong bris i save strongim wok pasin long olgeta samting.

Em i luksave bilong mipela olsem Papua Niugini nau i stap aninit long hevi bilong sampela 40 bruk daun bihain long indipendens.

Ol tumbuna bilong indipendens na ol arapela gavman i kamap inap nau, i pasim ai na stiaim dispela kantri, na i nogat tingting long we kantri bai inapim na bihainim ol hevi bilong tude, we ol manmeri i lusim ples tudak na lukim san namba wan taim, wantaim fridom bilong lukim kain pasin bilong holim na laikim samting.

Kain kain manmeri i kam long kain kain pasin tumbuna na skul. Ol Tolai, Sepik o Milen Be pipel, em long wanwan provins bilong ol, ol asples manmeri i sindaun gut, baundri mak bilong

graun i klia, na tumbuna pasin na sindaun i stap gut.

Sapos yu skelim ol dispela lain wantaim wanpela man Hailans, ol narakain samting bai stap ples klia.

Man Hailans i save givim piksa olsem em i save mekim samting bihainim pasin bilong en. Olsem na wanem kain samting em i mekim, i mas go tasol, na i nogat brek bilong en.

I olsem em i ken smelim birua, olsem na olgeta pasin bilong em i save go tasol.

Na em i save bihainim bilip olsem namba wan rot bilong banisim em yet, em long atekim o paitim birua pastaim. Sapos em i mekim samting stret o nogat, em i no wanpela samting long en.

Olsem na mipela i gat kain kain manmeri i kam long kain kain ol kalsarel o tumbuna bilip na pasin, husat i bihainim wanwan laik bilong ol yet, na traim long sindaun wantaim long wanpela ples.

Em i wankain olsem yu draivim kar long Pot Mosbi. Yu no inap asua, tasol bai yu bamim narapela kar yet. Em i krangi olgeta.

Nogat wanpela draiva i save tingim ol trefik loa. Na ol teksi na bas, em ol asua lain tru long dispela. Ol bai suvim yu go insait long rot bilong kar i ron kam bek long yu, na bihain, yu bai kisim sut toktok.

Dispela em i gutpela piksa long kain kain ol tingting, na pasin i save makim laip na sindaun long kain ples olsem, Mosbi. Em i no bilong makim ol Hailans manmeri olsem ol trabel lain. Nogat.

Astingting long tok makim dispela ol stori antap, em long tok klia olsem bikos yumi wanwan i gat pasin tumbuna mipela i save bihainim, mipela i save bungim ol arapela PNG manmeri husat i save

bihainim ol narapela kain skul pasin na bilip, we i no wankain olsem bilong yumi.

Bikpela askim long dispela em: Bai yu bihainim wanem kain pasin?

Mipela i bilip olsem wanpela skul long saikoloji, ol i kolim: "Psychology and Character Building", em ol i mas skulim long Gret 11 na 12, olsem wanpela skul olgeta pikinini i mas kisim.

Na long lowa level gret 6 i go long gret 9 na 10, mipela i ting i mobeta long autim wanpela subjek aninit long het-tok "Life Guidance" long skulim ol bikpela astingting long rait na rong, na gutpela pasin long praivet na pablik laip wantaim. Ating dispela bai ken givim ol yangpela bilong yumi, gutpela pasin na skul long sindaun long Papua Niugini olsem ol gutpela manmeri, husat i klia long ol rait ol i get olsem ol wanwan manmeri, na tu, ol i save long pasin ol i mas soim olsem memba bilong wanpela bikpela komyuniti.

Bikpela hevi wantaim moden laip, em i save pas long pasin na bilip long wanwan tasol, olsem na famili i save stat wantaim mama, papa na pikinini, na i pinis long hap. Tasol yumi ol PNG, mipela i no save stap yumi yet. I tru i gat luksave long wanwan sindaun bilong yumi, tasol as bilong yumi olsem wanwan manmeri, i save stap long yumi, olsem ol memba bilong komyuniti mipela i bikpela long en. I no olsem wanwan manmeri tasol.

Olsem na, wanem kain sindaun yumi stap long en, long PNG tude, i gat ol pasin i stap we mipela i ken yusim bilong bildim wanpela strongpela sindaun olsem wanpela kantri i gat pipel i ken luksave long narapela, luksave long pasin narapela i bihainim na kamap, na wokbung yet bihainim wanpela tingting bilong gutpela bilong olgeta arapela.

Long painim dispela,

mipela i mas mekim graun-wok long kliarim wanem ol pipia na rausim ol han bilong diwai bai em i kisim san na dai, na planim ol nupela sid, lukautim ol gut, na larim ol i groa bikpela, na karim kaikai.

Sapos yumi mekim ol liklik samting, isi isi, na wan wan, mipela i ken lainim tru rot bilong pinisim ol bikpela na liklik samting wantaim.

Kisim dispela i go long level bilong Nesanel Gavman na yu ken luksave olsem sapos Papua Niugini em wanpela sip o pontun, mipela bai no inap long drip o sel long bik solwara.

Namba wan samting, em i bikpela bilong Stet na masin bilong gavman.

Masin em i bikpela tumas, na ol man i bosim ensin rum, i nogat save long we masin i mas wok.

Olsem na nau yet, namba wan wok bilong gavman em long givim haus bilong masin, wantaim olgeta wel na gris bilong en. Nau masin i kamap samting we i nogat laip moa long en, tasol yumi lukautim yet, bikos em i bikpela samting bilong stap.

Namba tu asua em, wantaim bikpela bilong dispela masin bilong gavman, i nogat bris namel long wanwan han bilong en, olsem na sistem i no inap long kirap na mekim wok olsem wanpela masin. Na wantaim dispela, nogat wanpela wokman bilong masin i gat bikpela luksave long wanem samting em gavman, na wok bilong en olsem wanpela ligel samting i stap tude.

Long mipela ol Papua Niugini manmeri, dispela samting em i olsem wanpela nupela toi, we mipela i no save long yusim stret.

Olsem na nau mipela i mas askim yumi yet wanpela askim: I gat as watpo na sistem i no wok na i no inap wok stret? Na bai yumi mekim em i wok olsem wanem?

No Doomsday in the world, but in PNG, it's an everyday event

Nobody seems to remember any of the old traffic rules. And taxis and buses in particular are the worst offenders. They will pull out into the oncoming traffic without a pause and if you want to be in the wrong, all you have to do is to be there in the wrong place and at the wrong time. And if you happen to hit a taxi or a bus, God Help you!



SO nothing happened on the 21st or the 23rd December, 2012.

There was no polar shift, resulting in the world being sent into total darkness and all electronic equipment being rendered obsolete, thus sending airplanes, spy planes and satellites falling from the sky and crashing to the ground.

Common sense tells us that total destruction of any system does not take place overnight, and in a vacuum, as it were. Usually, when it does occur, it is the accumulated result of wear and tear or the breakdown of a necessary link in the performance function of a given component in the whole scheme of things.

It is our view that Papua New Guinea is now under strain from some 40 years of wear and tear after Independence.

The forefathers of Independence and subsequent governments in this country led it blindfolded with no forethought as to how the country would accommodate the modern day pressures of a people walking out of their caves into the sunlight and for the first time witnessing freedom and seeing the wide and open world of materialism.

Different people come from different cultural backgrounds. Take the Tolai, the Sepik or the Milne Bay guy, for instance. In each of these provinces, the population is well-settled, the land boundaries are defined, and the cultural setting is set and in place.

You compare this to a Highlander, and the difference is obvious.

The Highlander gives the impression that he functions solely by instincts so that his immediate reaction to any situation is confrontation. It is as if he can smell immediate danger, thus all his survival instincts are immediately put to play. And he puts to use the belief that the best form of defence under any circumstances is attack. And whether he was right or wrong, is totally irrelevant.

Thus, we have different people from different cultural backgrounds going about their own individual lives attempting to survive under very trying conditions. Take driving in Port Moresby, for instance. You do not have to make a mistake to end up with your car colliding against another person's car. It is a nightmare.

Nobody seems to remember any of the old traffic rules. And taxis and buses in particular are the worst offenders. They will pull out into the oncoming traffic without a pause and if you want to be in the wrong, all you have to do is to be there in the wrong place and at the wrong time. And if you happen to hit a taxi or a bus, God Help you!

The above scenario is at best, a crude definition of a rather complex setting that characterizes life and living in Port Moresby. It is not, by any means, an attempt to single out a highlander as a troublemaker.

The whole purpose for which we highlighted the above is to bring home the message that due to our different cultural upbringing, we are bound to find ourselves confronting a fellow Papua New Guinean from another background whose manner of behaviour will be totally different from ours. And the wider question is: How does one behave under such circumstances?

We suggest that a course in

psychology called, "Psychology and Character Building" be taught in Grades 11 and 12 as a compulsory subject.

And at the lower level commencing Grades 6 to Grades 9 and 10, we introduce a subject under the heading "Life Guidance" and teach the basics about rights and wrong and correct behaviour both in private and public lives. Hopefully, this would give our young people the necessary moral grounding to partake in the life of Papua New Guinea as social beings, aware of both their individual rights and at the same time, their social obligations as members of a given wider community.

The major problem with modern life is that it is highly individualistic, so that the family starts with the nucleus family and ends there, whereas for us Papua New Guineans, we have never had a solely individualistic existence as a people or groups of people. Whilst our individual roles were highly recognized and cultured by our individual societies, our essence as individuals was the essence of the wider society in which we were brought up so that when we left our villages to join a wider community, we walked out as "members" of a given society to join a wider society and not as individuals.

Therefore, whatever might be the setting where we might find ourselves in, in modern Papua New Guinea, there are common grounds upon which we can build a solid setting as a country of people who can, at that critical level, respect each other, appreciate each other's different upbringings, and yet strive for the common good because it is in that state of grace that the goodness in man/woman will flower to bring forth that essence of goodness and godly living.

To aspire towards that end, we have to start doing the

necessary ground work by clearing any debris and uprooting any underlying roots or tree trunks, exposing that to sunlight and allowing that to burn to ashes and then proceed with planting new seeds, culturing it and allowing it to grow into fruition.

It is by doing small things step by step, and one at a time, that we can master the art of accomplishing things big or small.

Take this to the level of the National Government and you can tell that if Papua New Guinea were a ship or a barge we would not be able to float, let alone sail the oceans.

To start with, is the immense size of the institution of State and the machinery of government. The machinery is far too big and cumbersome and the guys in the engine room do not have a clue how the machine is supposed to work. Thus, right now the main function of government is to keep the stagnant machinery housed and catered for, with the necessary oil and grease and whatever it takes. The whole thing is now like an Egyptian mummy which no longer has life as we know it, but it pays nevertheless those looking after the mummy to ensure that their roles are appreciated and paid for in kind.

The second problem with the size of our machinery of government, is that there is no necessary linkage from one component to that other, so that the system is unable to kick into action as a whole. And with that, nobody appears to have a conceptual view of what a state government should look like, and how it is supposed to function as a modern legal entity. For us Papua New Guineans, the whole thing is now like an expensive toy that we do not know how to operate.

Thus, we must now ask ourselves a single question: Is there any particular reason why the system does not function and cannot function? And is there any way we can make it work?

Asdaiosis Setelmen Apostulet (ASAC) Senta i helpim ol mama long save moa long somap na kuk

Veronica Hatutasi i raitim

WANPELA skul long Pot Mosbi i wok long givim gutpela save na sans long ol meri na ol mama i mekim samting bilong helpim ol yet na kamapim gut laip bilong ol, ol famili na komyuniti.

Asdaiosis Setelmen Apostulet Senta o ASAC em dispela skul i stap long Loreto, Boroko insait long Nesenel Kapitel Distrik we Pot Mosbi Katolik Asdaiosis i ranim.

Dispela ASAC skul i givim sans long ol meri samapim ol kwaliti klos na tu, kukim ol gutpela kaikai i narakain long kaikaim long haus na tu, long salim.

Thelma Manuqwadi em i wanpela mama i go skul long samap long ASAC na greduet long las yia Novemba na nau, em i wokim liklik samap bisnis bilong em i stap.

Thelma i tok skul we ASAC i givim long kuk na samap em i gutpela kwaliti skul na nau ol meri i ken samapim ol kwaliti klos, kukim ol kwaliti kaikai na salim.

"Bikpela tingting mi gat na mi go skul long ASAC em long kamapim gut kuk na samap bilong mi.

"Mi pilim olsem kuk na samap em samting yumi ol mama i save wokim olgetas de, tasol i gat nid long yumi long impruvim o kamapim gut ol kaikai wantaim ol kain stail kuk na tu, samapim ol staim klos long werim na luknais.

"Planti meri long olgeta hap bilong kantri i save kam sindaun long ol kos we ASAC i givim long en. Em ol kos olsem Fud Teknoloji,



KWALITI KLOS: Thelma na Frederica I soim ol naispela kwaliti dres bilong putim na go long ol bikpela samting em Thelma yet i samapim bihain long em i pinisim skul long ASAC. *Poto: Bruder Szymon Porwol*

redim tripela kos mil o kaikai, hospitality na besik akaunting.

"Long sait bilong kuk, mipela i lainim long bekim ol keik, pitja, donat, ol pinga fud o kaikai, redim

tebol na kain olsem.

"Long sait bilong samap, mipela i lainim long kisim mesamen long bodi na wokim ol peten, draftim na transferim i go long metiriel,"

Thelma i tok.

Ol i lainim long samapim ol wok na ol klos bilong ol bikpela samting long ol man na meri, ol top na sket bilong ol meri, ol siot i gat baten na nau ol i ken samapim ol dispela na salim i go long ol bikpela stia na supamakot long siti na taun.

19-pela mama i bin sindaun long besik teilaring o samap kos wantaim Thelma. Tipela man tu i bin sindaun long kos wantaim ol meri. Ol wok meri, ol mama long siti na ol setelmen i save sindaun long ol kos we ASAC i ranim long en.

Sampela ol klos we Thelma i lainim na nau em i samapim na salim em yu ken lukim long ol poto hia.

Thelma i gat wanem toktok long mekim long kain kos na tu, long bihain taim bilong em long wok somap.

"I gat sans long develop na yumi mas strongim ol meri husat i gat intres na laik long kamapim gut kuk na samap bilong ol. Tu long ol dispela i wokim ol PNG rijinel kuk na yumi ken kamapim gut ol kuk kaikai bilong ol wan wan hap yumi kam long en.

"Wanpela piksa em long redim saksak olsem snek we yumi ken wokim ol saksak sips samting," Thelma i tok.

Em i skruim tok i go moa na tok ol meri i laikim moa trening long kamapim gut ol kaikai maket bilong ol long ol wan wan provins na apim stendet o level long PNG.

"PNG i mas go antap long sait bilong kukim na redim ol gutpela kaikai na wokim ol stail klos.

"Driman bilong mi em long statim somap bisnis bilong mi yet we ol PNG manmeri i ken kam nab aim ol trausis, ol siot, ol klos bilong werim olgeta de na ol kesuel wea

"PNG i gat salens long kamapim gutpela kuk na samap na kamapim ol bes o gutpela na nauspela prodak.

"Somap em wanpela nomol samting mi save laik mekim na sapos ol narapela i ken mekim, mi ken mekim tu," Thelma i tok.

Em i tok long taim bilong greduesen, salens we bisop i bin givim long ol meri em long serim save ol i kisim na ol i ken daunim pasin turangu.

Kos bilong besik samap long tripela mun em K250.00. Na Teilaring Kos long tripela mun em fi yu bai peim em K250.00 tu.

I gat henkraf kos tu ol i ken mekim long tripela mun we ol i lainim long wokim ol bek, pilo kes, betsit na ol narapela samting moa.

Thelma i tok teknoloji bilong nau i helpim em tu bikos em i wok long soim ol klos bilong em long pablik long Fesbuk.

Em i samapim ol klos bilong ol bikpelas manmeri i putim na go aut long pati, dina na ol narapela bikpela samting, ol dres, sket na top bilong ol wokmeri, ol siot na trausis bilong ol wokman na ol lain i no wok, ol klos bilong ol liklik manki na liklik meri

Em i tok bikos long skul we planti mama i kisim long ASAC tude, ol meri PNG inap samapim ol kwaliti klos long resis wantaim ol lain i wokim klos long ol narapela kantri.

Sampela sekonderi tisa nogat nem long 2013 posting

SAMPELA Sekonderi skul tisa lon g kantri i nogat spes long ol skul na dispela i kamap bikos 2013 posting lista i nogat nem bilong ol lo ng ol skul.

Wawin Sekonderi skul long Morobe provins i wanpela, taim sampela narapela skul tu i bungim wankain hevi.

Narapela em long Jubili Katolik Sekonderi skul long Nesenel Kapitel Distrik we samting olsem 5-pela tisa i bin tisa long hap las yia i no lukim nem bilong ol long 2013 posting lista.

Sevenpela tisa lon g Wawin Sekonderi skul i no lukim nem bilong ol long 2013 posting lista na dispela em i wanpela samting bilong wari long em. Ol dispela em ol ekspiriens tisa i gat namel long 3 na 19 yia ol bin wok olsem ol sekonderi skul tisa.

Ol tisa nau i putim wanpela apil i go long Nesenel Edukesen Bot Profesenel Komiti we i save makim ol tisa long larim ol i stap long ol ekting posisen ol bin holim long las yia.



OL PNG MERI KEN: Sampela ol kwaliti klos olsem ol trausis, siot, dres na sket we Thelma i samapim na salim i stap. *Poto: Bruder Szymon Porwol*

Autim nem bai strongim ol meri

...Hangamapim ol man i kamapim birua

NEM bilong wanpela yangpela meri long India we 5-pela man i bin repim o bagarapim em klostu long Krismas taim em nem bilong em i kamapin.

Yangpela meri husat i gat 23 krismas na em bin wok long skul long kamap dokta, tasol ol bikhet man i bin bagarapim em

na em i dai i bin wok long go wantaim boipren long lukim muvi piksa taim birua i bin kamap long em long Disemba 16, wanpela wik tasol pastaim long Krismas.

Maski long India em i tambu long autim nem bilong ol lain i kisim birua long seksual vailens olsem reip na ol narapela moa

olsem, ol ripot i tok papa bilong meri ya i autim nem bilong pikinini meri bikos em bai strongim ol narapela meri i bin kisim ol wankain birua.

Dispela birua i bin kamap long ples Billia long Uttar Pradesh wanpela wik pastaim long Krismas.

Papa ya i laikim bai ol i

hangamapim ol lain i bagarapim pikinini meri bilong em na em i dai.

Taim dispela birua i kamap, planti pipel long India i bin go agensim birua ya na loa i mas givim strongpela mekimsave i go long ol lain i wokim dispela kain samting na bagarapim ol meri.

Klostu tasol i stap longwe yet

...Fesbuk helpim long painim tupela susa

NUPELA teknoloji o ol nupela masin bilong salim ol toktok i go na i kam i ken wokim ol gutpela samting na long wankain taim tu, ol samting i no gutpela.

Tasol dispela sotpela stori i autim wanpela gutpela samting we nupela teknoloji ol i kolim long "Facebook" o Fesbuk i kamapim long yunaitim o mekim tupela susa i bung wantaim bihain long 72 krismas.

Ol ripot i tok tupela susa bi-

long Bosnia long Isten Yurop i stap klostu olsem 200 kilomita longwe long wanpela narapela long notwes Bosnia, tasol ol i no bungim wanpela narapela long 72 krismas inap nau na dispela i kamap bikos long Fesbuk.

Ol ripot i to laspela taim we Tanija Delic i gat 88 krismas na Hedija Talic i gat 82 krismas i bin lukim wanpela narapela em long 1941 taim namba tu Wol Wia i bin kirap long Bosnia na

famili i lusim ples na ol i ronawe.

Talic husat i bin gat 11-pela krismas i bin go stap long "orphanage" o ples we ol i save lukautim ol pikinini we papamama i dai pinis. Tupela papamama em ol bin dai long woa o bikpela pait, na brata bilong ol i bin go na stap long Amerika.

Talic i tok bihain long woa, em i harim ol kain stori olsem famili bilong em i dai pinis o, ol i go stap long Amerika. Tasol bihain em i les, givap olsem em no nap

lukim famili bilong em moa na em i stap tasol.

Bihain em na famili bilong em yet i go stap long wanpela taun long not isten taun bilon g Tuzia taim susa bilong em Tanija i stap long not westen taun bilong Bosnia.

Tupela i painim wanpela narapela bihain long pikinini man bilong Talic i bin gat intres long famili tri na em i kontekim pikinini bilong anti bilong em long Fesbuk.



Yut, Meri na Famili wantaim Lorraine Siraba

Strongim awenes na wok long stopim pasin bilong bagarapim ol meri

MI wokabout wantaim liklik pikinini bilong mi i gat 5-pela krismas long lusim em long wanpela priskul insait long Nesenel Kapitel Distrik, na long hapsait mi lukim tupela hai skul sumatin meri i wokabout i go long bas stop.

Tasol bihain long ol, sampela liklik manki i luk deti nabaut krismas bilong ol i stap aninit long 10-pela yia, i wok long bihainim tupela sumatin meri. Ol dispela manki i wok long tromoim ston long tupela na wokim ol kain tok tok na ol nogut tu wantaim. Samting ya i wok long kamap long ai bilong planti kar we i pulim lain i stap long wanem, trefik i stap isi. Ol man long ol kar bilong ol i sindaun isi na lukluk i stap. Nogat wanpela lain i wokim wanpela samting long stopim dispela pasin i no stret i kamap long tupela meri sumatin husat i no wokim wanpela asua, tasol ol i wokabout long kisim bas i go long skul.

Ating dispela pasin we ol man i no wokim wanpela samting i soim olsem ol man i nogat pawa long stopim vaiolens agensim ol meri, o ol trabel long bagarapim ol meri. O, em i pasin we ol man i ting olsem wokim dispela kain samting long ol meri i orait.

Planti meri na ol yangpela gels i save bungim ol kain hevi long ol pablik ples olgeta de long ol strit long siti, ol pablik trenspot, na taim ol i go na i kam long wok na skul. Seksuel harasmen na seksual asal o ol man i bagarapim ol meri o tromoim ol toktok nogut, laik holim ol meri na ol kain pasin nogut olsem em ol samting long siti, ol taun na ruel eria i save bungim na mekim ol i wokabout na stap wantaim pret pasin. Planti taim, ol i save tokim ol long noken ripotim dispela kain samting, nogut hevi i go bikpela moa.

Ol dispela kain pasin, toktok, holim ol tambu hap bilong ol meri long pablik trenspot hap i nogut stret na em i no stret na i no gutpela samting long sosaiti. Em i kamapim kalsa bilong bagarapim na i no rispektim ol meri na em i mekim ol meri i pret na i no seif.

Ziro tolerens long vaiolens agensim ol meri na ol yangpela pikinini meri i wok bilong olgeta long stopim na daunim, i mas gat politikel komitmen na lidasip long ol siti atoriti long daunim dispela pasin bilong bagarapim, tok nogutim na kamapim nating hevi long ol meri long ol pablik ples na pablik trenspot sistem.

I moabeta long strongim ol rot na wok bilong stopim ol kain pasin na kamapim "Zero tolerens" long ol wok awenes na kempen long "mass media" na komyuniti bung. i mas gat fokus na putim ol yangpela man na ol bikpela man long ol trening na putim moa pipel long karimaut ol wok long stopim ol kain pasin i no stret ol man na ol liklik manki i kamapim long ol meri.

Tupela hai skul sumatin i no bin gat wanpela man long helpim ol agensim ol planti bikhet manki.

I mas gat komitmen long strongim sans long tet pati i givim ripot long ol dispela samting. Dispela bai strongim ol "victim" o lain i kisim bagarap long ripot i go long wanpela spesel ejensi na i no go dairek long polis bikos planti meri i kisim ol kain hevi na bagarap i no save laik go dairek long ol polis. Moa yet, ol polis i mas givim gutpela bekim na helpim na pablik i ken pilim gut long kisim helpim long ol taim ol kain birua i kamap.

Tru, ol wok i go het long daunim vailens agensim ol meri, moa wok i mas kamap long edresim ol man i senisim pasin bilong ol i go long ol meri. Long kamapim dispela, i mas gat moa toktok na wok bung wantaim ol sios lida na ol komyuniti long wokim ol kempen long ol yangpela man i senisim pasin na soim rispek long ol meri.

Meri Nu Ailan selebretim 107 bonde

NUPELA yia i lukim wanpela long ol lapun lain meri stret long Nu Ailan Provins na kantri i selebretim 107 bonde bilong em.

Clara Lakmua i gat 107 krismas na i bilong ples Na-iama long Nu Ailan Provins insait long Niugini Ailan rijen.


Gavana bilong Nu Ailan, Se Julius Chan, taim em i autim bikpeka toktok amamas i go aut long Clara long bonde bilong em na em i stap longpela taim nau, i tok meri ya em i wanpela rol modul o gutpela piksa bilong ol meri long provins na em i amamas long gutpela piksa we em i givim i go long ol meri long provins na tu, long wok na sapot bilong em long provinsel edministresen insait long 40 krismas i go pinis. Na long ol wok na kontribusen bilong em long bildim dispela kantri na long helpim ol bubu bai kam bihain.

Ol ripot i tok mama i bin karim Misis Lakmua long yia 1905, long Nu Ailan Provins yet.

Buk we i save gat ol wol rekot ol i kolim long "Guinness Book of Records" i soim olsem meri Amerika em Bessie Cooper bilong Monroe long Georgia i holim rekot olsem em i bin stap laip longpela taim tru winim ol narapela manmeri long wol.

Em bin gat 116 krismas na em i dai.

Raun Lukim Ol Meri na Pikinini...



AMAMAS: Dispela liklik meri Aua Ailan long Manus Provins i amamas sanap long diwai i sanap long arere bilong nambis. Hap diwai em i sanap long em i seip o luk olsem hat o lewa bilong man.



I GAT STAIL: Ol manki nambis u save wokim ol kain stail long pilai na swim long solwara olsem dispela yangpela boi Aua Ailan long Manus provins i wokim stap taim ol i kisim piksa bilong em.



God i no stap?

WANPELA de, wanpela man i go katim gras na katim maus gras. Taim man bilong katim gras i katim gras bilong dispela man, tupela i toktok long planti samting.

Pastaim ol i toktok long klaimet long siti. Ples i hot olgeta de bikos i nogat ren. Ol tok-tok long raskol pasin long siti, bisnis na politik. Ol i toktok long ogeta samting i kamap long kantri, long siti na long graun.

Bihain long planti toktok, wantu tasol man bilong katim gras i senisim topik. Nau em i stat toktok long God. Em i tokim kastoma bilong em; **"Mi no bilip long GOD. Go i no stap long dispela graun"**.

Kastoma bilong em i kirap nogut tru, na tok, **"Bilong wanem yu tok olsem? God i stap. Em i stap wantaim yumi olgeta taim"**.

Tasol man bilong katim gras i tok strong; **"Nogat. Mi no bilip olsem God i stap. God i no stap. Sapos God i stap, bilong wanem i gat planti manmeri i sik, planti manmeri i nogat haus na ol i slip long rot o aninit long bris, planti manmeri i save karim hevi, planti marit i no stap gut, na planti spak man i save kamapim trabel insait long famili, marit na komyuniti bilong yumi?"**

Man i katim gras i tok moa; **"Sapos God i stap, em i no inap larim olgeta kain kain hevi i kamap"**.

Kastoma bilong em i no mekim wanpela toktok. Em i no laik kamapim kros wantaim man bilong katim gras. Em i sindaun isi tasol, larim man i mekim wok bilong em. Bihain long katim gras, man i katim maus gras bilong em. Kastoma i no mekim wanpela toktok moa.

Bihain long olgeta wok i pinis, kastoma i baim man bilong katim gras wantaim sampela mani na tok tenkyu na lusim stua bilong man bilong katim gras, na wokabaut bihainim rot i go long haus bilong em.

Taim em i wokabaut i go, em i lukim wanpela rasta man long rot. Gras bilong em i longpela na em i bin tanim tanim. Maus gras bilong em tu i kamap longpela tasol man i nogat intres long katim. Taim em i kamap klostu, smel nogut i kam aut long gras bilong man i gat longpela gras.

Em i sanap liklik na ran i go bek long stua bilong man bilong katim gras. Em i opim dua na i tok; **"Bro, i nogat wanpela man bilong katim gras long dispela graun"**.

Taim man bilong katim gras i harim dispela tok, em i kirap nogut na i askim; **"Bilong wanem yu tok olsem? Man bilong katim gras i stap. Mi em i man bilong katim gras bilong yu. Nau tasol mi pinisim wok long katim gras na maus gras bilong yu"**.

Tasol man/Kastoma bilong em i tok strong; **"I no tru! i nogat wanpela katim gras man i stap. Bikos, sapos em i stap, mi bilip olsem bai nogat rasta man i stap long dispela graun, nogat wanpela longpela gras na smel i stap"**.

Em i poinim pinga i go long man i gat longpela gras i sanap long rot, na em i tok olsem; **"Lukim man i sanap long rot igat rasta gras na smel nogut tru, bikos Barber/man bilong katim gras i no stap long dispela graun"**.

Tasol man bilong katim gras i tok strong moa yet; **"Nogat! Man bilong katim gras i stap. Wanem samting yu lukim long rot, bikos ol i les, em i samting bilong ol yet. Bilong wanem ol i les long kam lukim mi bai mi katim gras bilong ol?"**

"Em i tru. Yu rai", bekim dispela man. **"Em tasol i as bilong dispela hevi. Wankain olsem God. God i stap, tasol yu tok GOD i NO STAP, bikos yu no laik painim em. Yu no laik kam long em. Olsem na yu gat kain kain pen, hevi na wari i stap wantaim yu"**.

Man bilong katim gras (Barber) i paul olgeta.

Bihinim tripela Saveman long go pas

BIKPELA toktok we Pop Benedict 16 i bin mekim long 4-pela nupela pater las Sande, em pestode bilong Tripela Saveman King i bin go lukim Jisas, lotu long em na givim em ol presen, em long kamap olsem dispela tripela saveman na go pas olsem lait na stiaim rot long ol manmeri.

Nau i dai Pop Paul 2 i bin staitim dispela wok long pestode bilong Tripela King, sios long Rom i save givim blesing long 4-pela nupela pater husat i save go wok long ol wan wan ministry bilong sios.

Pop Benedict it ok dispela Tripela Saveman king bilong Is

o ol longwe kantri i makim pipel bilong graun na sios bilong ol "Gentail" o ol lain i no ol Judaman o Jew.

Em it ok wokabaut we ol tripela Saveman king bilong Is i bin mekim em ol manmeri long ol yia i kam inap nau i save mekim long Pikinini bilong Betlehem na onaim na lotuim em.

Long toktok bilong em, Pop Benedict i glasim na skelim ol bisop na wok bilong ol wantaim Tripela Saveman king bilong Is.

Em it ok dispela Tripela Saveman i wok long painim God long wanem, ol i laik save gut long em ol yet na wol.

Long wankain taim tu, ol dis-

pela 4-pela lain we ol i putim han antap long ol na blesim ol olsem ol nupela pater i mas kain man i mas wari long Bikpela, tingim ol narapela na wanem samting inap kamap long ol.

"Pater o Bisop i mas dispela man i wari long God na ol lain em i wokim, em long ol man. Olsem ol Saveman king bilong Is, Bisop i noken tasol man i karimaut wok bilong em na amamas long dispela, tasol em i mas tingting na pilim olsem God. Em i mas noken malolo long painim God na God is tap pas wantaim em long stiaim em we gen, em bai stiaim ol manmeri long wokabaut bilong ol

long painim trupela king na bilip," Pop i tokim ol nupela pater.

"Yupela ol nupela bisop bilong sios, sapos yupela stap wantaim Krai, yupela bai kamap olsem ol sta i go pas long ol man na meri, stiaim ol long strepela rot long bihainim. Mipela i pre long yupela na Bikpela i ken pil-imapim yupela wantaim lait na laik pasin i kam long antap. Na yupela i ken pulap tu wantaim dispela pasin God i gat long tingim ol manmeri na Bikpela i ken givim yupela gif bilong amamas. Bikpela i ken givim yipela strong na daunpasin long bilip," Pop Benedict it ok.



HATWOK i KARIM KAIKAI: Ol yangpela bilong HVLS long greduesen bilong ol. **Poto: Paulus Tali**

Helsbach Viles Laip Skul inap helpim ol yangpela bilong sios

...Kisim K20,000 long Finsafen memba na Spika

Paulus Tali i raitim

HELSEBACH Viles Laip Skul (HVLS) long Kote, Finsafen insait long Morobe Provins i kisim K20,000 long karimaut ol wok program bilong em long dispela nupela yia.

Dispela skul i save givim skul na trening long ol yangpela manmeri i kamapim gutpela spiritual na fisikel laip.

Dispela K20,000 helpim man i kam long memba bilong Finsafen, na Spika bilong Nesanel Palamen, Theo Zurenuoc.

Wanpela opisa bilong memba bin kamap long greduesen bilong ol sumatin na givim K20,000, long sapatim ron bilong skul, we em i laikim sios i mas kamapim gutpla program.

Na sios na gavman i ken wok bung gut long bringim gutpela sevis i go long komyuniti.

Samting olsem 6-pela yangpela man na meri i bin greduet long Helsbach Viles Laip Skul (HVLS) long Kote, Finsafen na ol i ken kamapim gut spiritual na fisikel laip bilong ol na ol komyuniti bilong ol.

HVLS skul em dispela skul we i kamapim gutpela sidaun bilong ol yangpela long sios nau na long bihan taim i stap aninit long Kote Distrik long Finsafen long Morobe Provins i bin wokim namba 22 greduesen bilong em long las mun.

Long HVTS, ol yangpela man na meri i kisim ol program olsem Tok bilong God, viles skills o ol save long ol wok samting bai helpim ol long stap na go hetim lainim samap. Ol i save kisim trening long tupela yia.

Narapela bikpela samting we skul i save laikim em long ol

yangpela i ken kisim save na go bek long as ples na wok long graun bilong ol yet long planim kaikai, na kamapim mani bilong ol.

Mani em i stap long graun.

Tu long skul, ol i lainim Baibel stadi long strongim Kristen bilip laip bilong ol.

Planti lain i bin kam long Garaina eria long witnessim dispela spesel selebresen na greduesen bilong HVLS we 6-pela yangpela i bin greduet na kisim setifiket bilong ol.

Pasto Toxy Namok i bin tok God bilong yumi i gat luksave long kainkain wok na skul yumi go long em.

Na em i bin singaut long ol greduet bilong HVTS long go na surukim wok na save ol i kisim pinis long Helsbach.

Pasto Namoki i bin tok long Luke ves 21- 29 na 36, Jisas bai kam bek tasol planti Kristen

i lus tingting long dispela.

Olsem na long laip tude, Jisas i tok long lusim pasin spak na mariwana na bihainim em.

"Yupela ol yangpela i kam long HVTS em yupela i mekim rait disisen na yupela i kam long em," Pasto Namoki i tok.

Wanpela sumatin bilong Garaina long boda eri bilong Kaintiba, em givim taim tru long kamap long kain skul i amamas long harim tok bilong God.

Na bai em i lukim nupela senis long nupela skul bai em i go long em long Amoron Evan-jelis.

Nem bilong dispela yangpela man em Orip Boni bilong Garaina.

Em i tok, tenkyu long ol Kristen husat i bin sapatim ol na moa yet, ol as ples lain i stap klostu long Helsbach.

Wari long ol Filipino nes i wok long PMGH

SINGAUT i go long Helt Minista Michael Malabag na Helt sekretreteri Pacoe Kase bilong mekim klia as bilong kisim ol Filipino nes i wok nau long Pot Mosbi Jenerel Haus sik.

Presiden bilong PNG Komyuniti Helt Wokas Asosiesen, Dec Isaac, aste i autim bikpela wari long 10-pela Filipino nes i wok nau long Pot Mosbi Jenerel Haus sik (PMGH).

Mis Isaac i tok ol arenjmen o plen i no

klia we ol i kisim ol dispela ausait woklain long wok long ol bikpela eria olsem Ak-siden na lmejensi seksen. Na ol i no klia long ol kwalifikesen bilong ol dispela ausait woklain na tu, ol i no klia sapos PNG Medikel Bot i givim tok orait o kisim kliarens bilong ol long wok olsem ol nes o ol helt woka insait long PNG.

Olsem na e mi singaut i go long Helt Minista, Mista Malabag na Sekretreteri Mista Kase long tok

klia long ol Komyuniti Helt wok manmeri long PMGH na long dispela kantri na tu, long pablik long as tingting bilong kisim ol ausait nes i kam wok long PMGH.

Mis Isaac i tok i gat ol bikpela samting we ol i mas mekim klia long lukim olsem pablik i gat bilip long ol medikel sevis we PMGH i save gicim na ol narapela medikel fasiliti long kantri.

Mis Isaac i tok em i luk olsem disisen bilong kisim ol dispela

ausait nes na helt woka i kam long PNG em ol bin wokim long ples haitna olsem, ol ol lain long PNG Helt Wokas long PMGH na kantri i laikim ol ansa long ol dispela samting:

Mis Isaac i askim strong Minista Malabag na Sekretreteri Pascoe long kam klia na edresim ol wari bilong Helt Dipatmen na noken bihainim ol sot-pela tem rot long stretim wari na hevi na wanpela em long kisim ol ausait woklain.

Loa bai givim mekim save long ol bikman

TOKTOK strong i go long ol boslain bilong Helt Dipatmen long karimaut gut wok na kisim sevis i go long ol pipel na sapos nogat, loa bai givim ol mekim save.

Tu, ol haus sik insait long ol provins i mas makim ol gutpela haus sik bot memba husat i gat gutpela luksave na ol bai mekim gut wok.

Helt na HIV na AIDS Minista, Michael Malabag, i tok olsem bihainim saspensen o stopim long wok long ol sif eksekutiv opisa (CEO) o ol bosman bilong 7-pela haus sik long kantri bikos long no mekim gut wok na yusim krangi pablik mani bilong karimaut wok na givim helt sevis i go long pipel.

Ol haus sik i kisim pinis toksave long ol CEO bilong ol i no inap wok stat long dispela wik em long Boram Haus sik long Is Sepik, Kimbe Jenerel Haus sik long Wes Nu Briten, Modilon long Madang, Lorengau long Manus Provins, Popondetta long Oro Provins, Daru long Westen provins na Wabag long Enga Provins.

Mista Malabag i tok ol dispela haus sik bai senisim ol haus sik bot elselyutiv bilong ol.

Em i tok olsem ol bai karimaut ol wok painim long ol dispela samting long dispela ol haus sik we ol wok long yusim krangi o paulim man ii kamap.

Mista Malabag i tok em bai no isi long ol boslain long pablik sevis i yusim sistem long mekim ol krangi pasin wantaim pablik mani we ol i sapos long yusim bilong kisim sevis i go long ol pipel.

Em i tok ol haus sik i mas putim ol rait pipel long ol bot bilong ol na em i amamas long Pot Mosbi Jenerel Haus sik bikos nau em i gat gutpela bot na haus sik nau i ron gut.

Pablik Akauns Komiti (PAC) tu i painim olsem ol wok i no ron gut long ol dispela haus sik na asua is tap long ol lain i go pas.

Long wankain taim tu, Pot Mosbi Jenerel Haus sik i kisim K2.2 miliar i kam long PNG Sas-tenebol Developmen Program (PNGSDP) long kamapim gut Aksiden na lmejensi Wod bilong em.

CEO bilong PNGSDFP, David Sode, taim em i givim K2.2 miliar sekmani i go long haus sik i bin tok kampani bilong e mi gat bikpela intres long helt long Westen provins na ol i amamas long sapotim Pot Mosbi Jenerel Haus sik we i save kisim ol sik manmeri na pikinini long olgeta hap bilong kantri.

PNGSDP i bin givim helpim bihainim askim bilong bosman bilong imejensi marasin, Dokta Sam Yockopua, husat i bin askim kampani long helpim ol long pinisim wok long nupela imejensi dipatmen.

Long narapela nius long Pot Mosbi Jenerel Haus sik, Mista Malabag i bin opim nupela bebi neseri long haus sik long las wik Sande.

Ol bin mekim bikpela na gutpela moa dispela nupela neseri wantai manim mak long K1.3 miliar. Neseri i save lukautim ol nupela bebi we mama i karim tasol na ol i gat hevi na sik, olsem ol no inapim taim bilong ol yet na mama i karim, na ol i liklik yet na kain olsem.



GIVIM: Ol Katolik Yut Ministri i givim ol presen i go long Goroka Jenerel Haus sil. Papindo Supamak et i donetim ol presen na yut ministri i givim i go long haus sik. **Poto: Lorraine Basse**

Mobail fon i bagarapim planti sumatin

STRONGPELA askim i go long ol papamama long noken larim ol liklik pikinini long elementeri na praimer skul level long gat ol mobail fon, wanpela tisa long Sauten Hailans i gat wari long ol sumatin i no wokim gut long skul long dispela kantri, i tok.

Man ya i tok ol sumatin na ol papamama i noken sutim tok long ol tisa olsem as bilong ol pikinini i no mekim gut long ol skul wok bilong ol.

Man ya i tok mobail fon

i bikpela as long ol sumatin i no wokim gut long skul wok bilong ol.

Em i tok em i tru olsem sampela tisa i no wok long skulkim gut ol pikinini, tasol mobail fon i mekim ol i les.

Em i tok planti sumatin i save yusim bikpela taim bilong ol long ol mobail fon long toktok wantaim ol poroman bilong ol, teks i go na kam wantaim ol poroman, toktok long ol sosal netwok olsem fesbuk, Twita, Netlog na ol

narapela, na ol i nogat inapt aim long malolo na slip gut.

Olsem na taim ol i go long skul, ol i save luk olsem ol i laik slip na ol i no save bisi long lainim long skul.

Em i tok bikos long mobail fon, planti ol pikinini meri sumatin i no pinisim gut skul na marit.

Em i tok tude, planti ol elementeri na praimer skul sumatin i gat ol mobail fon na dispela i no gutpela.

Gavman bai baim ful skul fi

NESENEL gavman bai peim ol skul fi bilong ol pikinini lon elementeri Prep i go antap long Gred 12 na ol vokesenel skul, wantaim helpim bilong gavman bilong Australia.

Ekting Edukesen Sekretreteri, Luke Taita, it ok.

Ol fleksibel, open na disten lening o ol CODE na FODE skul na ol pemitit skul tu bai kisim helpim long mak bilong 75 pesen long ol skul fi kos. Ol papamama bai peim 25 pe sen skul fi tasol.

Edukesen (OBE) tasol em bai go hetim ful fri edukesne polisi bilong em.

Edukesen Diparmen i tok ol bai baim na tilim ol kurikulum metiriel i go long olgeta skul na ol vokesenel skul tu.

Gavman bilong Australia bai givim K25 miliar long sapotim ol elementeri skul long kantri.

Mista Taita i strongim olgeta skul long bihainim sekula bilong sekretreteri na tu, polisi stetmen bilong minista we bai lukim olgeta samting i ron gut tasol.

Sampela sekonderi tisa nogat nem long 2013 posting

SAMPELA Sekonderi skul tisa lon g kantri i nogat spes long ol skul na dispela i kamap bikos 2013 posting lista i nogat nem bilong ol lo ng ol skul.

Wawin Sekonderi skul long Morobe provins i wanpela, taim sampela

narapela skul tu i bungim wankain hevi. Narapela em long Jubili Katolik Sekonderi skul long Nesenel Kapit-el Distrik we samting olsem 5-pela tisa i bin tisa long hap las yia i no lukim nem bilong ol long 2013 posting lista. Sev-

enpela tisa lon g Wawin Sekonderi skul i no lukim nem bilong ol long 2013 posting lista na dispela em i wanpela samting bilong wari long em.

Ol dispela em ol ek-spiriens tisa i gat namel long 3 na 19 yia ol bin

wok olsem ol sekonderi skul tisa.

Ol tisa nau i putim wanpela apil i go long Nesenel Edukesen Bot Profesenel Komiti we i save makim ol tisa long larim ol i stap long ol ek-ting posisen ol bin holim long las yia.



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

PNG OK Tedi strong yet

BIKPELA Ok Tedi gol na kopa main long Papua Niugini i nogat gutpela nem long bagarapim envairomen.

Moa long tenpela yia i go pinis, stat long taim BHP Billiton, kampani em i bin kamapim ol bagarap i lusim eria na ol seholda na pipel bilong PNG.

Stat long dispela taim, Ok Tedi Maining Limited i kamapim senis long em yet. Em i bin lusim moa long wan bilian dola bilong stretim ol hevi long envairomen na putim kamap wanpela plen i go long o papagrau7n bilong sukurim laip taim bilong main i go inap 2025.

Ok Tedi main i stap long longwe hap bilong Star Maunten, klostu long boda mak bilong PNG na Indonesia, na i stap antap long het bilong Fly (Flai) Riva.

I gat 1,000 kilomita bilong ol han wara namel long hap na Torres Strait, ol wara em i katim sampela long ol ris renfores tru long wol.

Planti tausen pipel i save stap arere long ol wara i save kisim strong na halivim long wara long wokim gaden kaikai na ol pis bilong halivim isindaun bilong ol.

BHP i bin opim Ok Tedi kopa main long yia 1982.

Long taim bilong wokim kamap telings dem bilong Ok Tedik, em i bin asua. Kampani nau i kamapim tingting bilong tromoi ol pipia bilong en i go long ol han wara em i save go painim gen Ok Tedi na Flai Riva.

I kam inap long yia 1990 nau, planti milian tan bilong ol pipia i pasim ol rot bilong wara, na kamapim bagarap long planti tausen hekta bilong ol fores na bagarapim ol ples na gaden kaikai.

Planti tausen pipel long Tasmania stet bilong Australia i pas stap

PLANTI tausen pipel long Tasmania stet bilong Australia i pas stap na ol i no save long stap bilong samting olsem 100 pipel taim ol bus paia ol i no inap yet long kontrolim na i wok long go het yet long paia.

Ol i daunim i go daun birua bilong dispela paia nogut bilong stet, tasol ol i givim woning o tol lukaut i golong ol pipel long stap was gut.

Paia i kukim daun moa long 100 propeti taim buspaia i bin stat long bikpela taim bilong hat long Fraide las wik, na polis i givim woning olsem ating ol inap painim ol dai bodi taim ol tim i go sekim ol haus long ol komyuniti we paia i kamapim ol bikpela bagarap.

Polis i tok olsem ol i go mekim wok painim aut long 245 ol propeti long Dunalley em paia i bin kamapim bikpela bagarap logn saut-is bilong kapitel, Hobat (Hobart), tasol i no painim ol bodi.

Praim Minista Julia Gillard i go



Ol faifaia i mekim wok long Oura

OL faifaia i paitim wanpela gras paia long ples Oura, klostu long Wagga Wagga, long sauten Nu Saut Wels, long Januəri 8, 2013.

mekim lukluk raun long Dunalley pinis.

Planti tausen pipel i stap pas antap long Tasman Peninsula bihainim bikpela fores buspaia na i katim rot long ol i go long ol narapela hap bilong stet, na ol pipel long hapi tok ol kaikai i stat long sot nau.

Ol i tok bai ol i opim liklik hap bilong men eksem rot long Peninsula bilong larim ol pipel i stap pas na ol saplai i go long hap.

Tasmania Paia Sevis i daunim hevi bilong birua long fores paia, na narapela long Lake Repulse i go long 'watch and act'.

Tasol o paia kru i tok drop bilong tempesa o kol na wara kol bilong moning long graun i mekim hat long wokim ol ples bilong stopim paia i raun long fores paia na nait i go pinis.

PNG Loya wari long BHP Bauxcite main

WANPELA humen raits loya bilong Papua Niugini i tok em i wari trulong tingting bilong BHP Billiton, wanpela Australia Maining kampani, bilong statim boksait maining long Westen provins.

BHP i bin papa long Ok Tedi maining kampani, em o i bin sutim tok long en long kamapim bikpela bagarap tru long envairomen long Ok Tedi na Flai Riva.

Bihainim ol dispela bagarap, BHP i bin lusim PNG, tasol em i bin statim PNG Sastenabol Dvelopmen Progrem Ltd (PNGSDP), bilong sanap makim em long kantri.

Australia i tambuim ol kampani long mainim boksait long Australia.

Askim i go long gei memba bilong Nu Silan All Black tim

OL pipel i save toktok long ol raits bilong Gei pipel long Nu Silan, i askim wanpela homoseksual All Black pilaia long tokaut long seksualiti bilong em, na ekt olsem wanpela rol model.

Brodkasta Steve Gray, i bin tokim Sunday Star-Times niuspapa olsem em i save bin gat sampela gei All Blacks na i taim long wanpela long ol i kamaut na tok klia olsem ol narapela i ken luksave long em.

Dispela TV presenta em ol pipel i save long em olsem gei, i tok tu olsem em i bin slip wantaim wanpela pilaia.

Em i tok, olgeta pipel i save askim long nem bilong em, tasol em i no save husat dispela All Black pilaia. Tasol taim em i bin sekim dispela wantaim pren bilong em, em i bin save olsem dispela i tru.

Ol toktok bilong Gray i bihainim kamaut klia bilong wanpela English futbol sta, Matt Jarvis long kamap bilong British Gay Megasin, Attitude.

Jarvis, husat i man, na i stret, i tok em i taim bilong ol gei futbola i pilim ol inap long muv fowet na ol i nap kisim sapot i kam long futbol komyuniti.

Tony Simpson, Siaman bilong

gei raits grup, Rainbow Wellington, i tok em i bilip sapos wanpela homoseksual All Black i tokaut long seksualiti bilong em, em i save planti pipel long Nu Silan bai sapotim em.

Em i tok sapos wanpeal pilaia bilong All Black i kamaut klia na tok em i ting planti pipel bai tok "well", em i no samting bai givim hevi long we em i pilai ragbi.

Sampela pipel bai bel kaskas – sampela i no yet putim tingting nogut bilong o li go baksait long homoseksualiti, na i traim long toktok long en olgeta taim dispeal isiu bilong man i laikim man i save kamaut, tasol planti pipel i putim tingting bilong o i go bihain long dispela isiu.

Foma All Blacks senta, Craig Innes, i join wantaim ol arapela long mekim dispela askim i go long wanpela gei All Black pilaia i step fowet na i tok em bai gutpela bilong ol gei komyuniti i gat wanpela ragbi rol model olsem ol i ken luksave na laikim em.

Ian Roberts, wanpela Australia Ragbi Lig intanesenel i bin kamaut na tok klia long seksualiti bilong em long 1995.

PNG Polis wari long praivet sekyuriti plen

PAPUA Niugini polis i no wanbel long givim wok bilong monitarim ol sekyuriti kamera em ol i

plen long en i go long praivet sekyuriti.

Kapitel bilong Papua Niugini, Pot Mosbi, i bin gat ol ripot nogut olsem em i wanpela long ol birua siti long wol, long raskol pasin, na ol atoriti long siti i hop olsem taim o i putim ol sekyuriti kamera raun long Pot Mosbi, bai em i halivim long daunim mak bilong bikhet pasin.

Wanpela long ol pipel i go pas long dispela plen, em Gavana bilong Nesenel Kapitel Distrik Powes Parkop, i tok ol i nidim eksen bilong mekim ol pipel i tingting na lukautim siti.

Dispela em bilong mekim pipel i ting olsem long moning olsem, ol i ken go pulim han beg bilong wanpela meri na i go stilim kar na polis i no inap long painim na arestim ol, i mas senis.

Gavana i tok, wanpela man, meri o pikinini ken mekim wanem samting ol i laikim long wanem kain taim ol i laik, na long ples ol i laikim, na dispela i mas stop.

Dispela plen i olsem, ol kamera bai salim bek ol piksa i go long wanpela kontrol rum long wanpela lokal hetkwata.

Kampani husat bai lukautim ol kamera na lukim ol piksa i tok, em bai toksave long polis sapos em i lukim ol samting pipel i mekim i brukim loa, na ol i ken yusim ol piksa olsem evidens.

Esia Dvelopmen Benk i no klia long Fiji ekonomi

EKONOMI bilong Fiji bai groa long 1.7 pesen long dispela yia, bihainim lukluk bilong Esia Dvelopmen Benk (ADB).

Dispela mak em i daun liklik winim mak em Fiji gavman i bin tingting long en, we ol i ting mak bilong ol bisnis long Fiji yet, bai bikpela inap moa long 2 pesen.

Esia Dvelopmen Benk i bin gat narapela tingting long dispela, meri i save long ekonomi bilong ADB long Pasifik, Emma Veve i bin tokim Radio Australia.

Em i tok Fiji i bin toktok inap sampela yia nau olsem groa bilong ekonomi bilong kantri bai inap long 2 pesen.

Mis Veve i bin tok ekonomi bilong Fiji i wok long kamap orait isi isi bihainim wok fainensal kraisis, na tu, tripela disasta em kantri i bin bungim las yia.

Turis bisnis em i tok em i bikpela samting long ekonomi bilong kantri.

"Sekta i wok long groa yet, na ol turis namba i wok long go bikpela, na winmani tu i wok long go bikpela."

Pacific BEAT

4, 5, 6am & 4pm, 5pm including sport

Listen to Radio Australia 101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



LEK I WOK: Ol buai na daka lain i bisi long karim buai i go kam long dispela rot.
Poto: *Bustin Anzu*

Wara Kumalu i tait

Bustin Anzu i raitim

BISNIS long Bulolo na Wau insait long Morobe provins i kisim taim long wokim bisnis bihain long Wara Kumalu i tait na bagarapim rot long wiken.

Dispela ren we bin stat long Sarere apinun, i senisim ron bilong Wara Kumalu na putim i go long narapela liklik wara Aven, we save ron long dispela hap.

Sampela kar i laik traim brukim wara tasol ol i no inap.

Long nait, bikpela ren i pundaun antap long ol maunten bilong Mumentain, Kumalu na Bagalum i bagarapim tru rot.

Wara Kumalu i bruk long tupela hap. Narapela i bihainim rot bilong em stret na narapela i bihainim narapela liklik han wara, Aven.

Dispela liklik wara Aven em i save go long sait bilong Bulolo na long taim nating, em i save klin tasol long dispela taim, em i deti olgeta, wankain olsem wara Kumalu yet.

Long Sande moning, long sait bilong Bulolo long ples Kamoks, wara Aven i bihainim rot na go daun na kisim ples Kamoks.

Namel bilong rot, wara i ron olsem em i bihainim wanpela wara we bin ron

pastaim. Yu ken lukim ol traipela ston, wesana na ol diwai tu.

Long san, sampela len krusa i strong na bihainim rot na katim wara, tasol ol kar olsem ol daina na liklik kar i no inap long brukim rot na ol i pas long tupela sait wantaim.

Bihain bikpela ren gen long nait na mekim rot i go bagarap olgeta na dispela i mekim hat long wanpela beko o masin bilong stretim rot olgeta, i no wankain olsem long Sande we em i orait long ol kar i brukim.

Ol kampani insait long Bulolo, Wau na Menyamyama i no i go i kam long Lae long Sarere i kam inap long Tunde bihain long Wara Kumalu i tait na pasim rot.

Ol manmeri, husat i gat wok long tupela hap sait wantaim, i no wari long dispela na ol i brukim dispela wara na i go kam. Ol kar bilong ol lain long Menyamyama i wari long kopi beg na ol narapela wok bilong ol na ol i strong na brukim tait wara.

Long Sande nait, bikpela ren raunim ples Mumeng na Zenang olgeta.

Wara Snake, we tupela hetwara, Kumalu na Buang i bung wantaim i tait olgeta.

Ol lain long Lae i kam stop long hapsait bilong Zenag na brukim wara i go long hapsait na kisim kar i go long Bulolo, Wau na

Menyamyama.

Ol lain long dispela hap i mekim wankain.

Ol karim ol samting bilong salim long stoa na ol narapela samting tu. Antap long ol dispela samting, ol i karim buai i go long Bulolo na ol ples olsem.

Long sait bilong rot, ol mangi asples i wokim wanpela liklik bris na sasim K1 long ol manmeri i go kam. Ol buai beg ol sasim olsem K2.

Na long karim buai beg long sait bilong Zenang igo long narapela sait, ol papa mama bilong buai beg i baim ol K20.

Ol meri long ples Mumengtain, Kamoks na Kumalu i mekim ol liklik maket bilong ol yet long sait bilong rot. Ol i no bisi long ol kar o wara i tait. Long ol em sans long kisim sampela mani bilong helpim ol yet.

Ol kar bilong ol bikpela kampani olsem Morobe Maining Join Vensa o MMJV (Morobe Mining Joint Venture) Bulolo Fores na ol narapela kampani i no soim pes long dispela hap, bihain long ol i kisim tok-save.

Distrik Administreta bilong Bulolo Tae Guambelek i tok tok wantaim ol menesmen bilong Morobe Provinsel Gavman na Morobe Maining Join Vensa

long painim sampela helpim long opim dispela rot gen.

Long Tunde, faivpela masin i traim long stretim rot tasol ol papa graun long ples Kamoks i stopim ol na tokim ol long noken stretim rot. Ol i laikim sampela mani pastaim long rot i op gen.

Ol i tok wara Aven i mekim bikpela bagarap long ples bilong ol long wiken na mekim ol i lusim planti samting bilong ol. Ol i laik bai gavman i luksave long dispela pastaim na bihain, stretim rot.

Ol i laikim tu olsem ol masin mas stretim baret wara long wara i ron pastaim na bihain stretim rot long wanem, sapos ol i wokim rot pastaim, ol kar na manmeri bai go kam na wara bai stap olsem yet.

Ol mangi Kamoks i stopim ol masin na sem taim tromoi ston long wanpela masin na brukim glas bilong dispela masin.

Lidaman long ples Kamoks Frank Waswa i tok ol mangi i stopim long wanem, ol i laik bai ol i stretim baret bilong wara i ron pastaim na tu, luksave long ol bagarap we wara i bin kamapim long ples bilong ol.

Long Sande i kamap inap aste, nogat kar i ron.

Na ren i pundaun yet long ples Mumeng yet.



KOMENTRI

Ol hevi bilong nogat inap spes

SAPOS Praim Minista Peter O'Neill i no was gut, fri edukesen tok promis bilong en bai kamapim moa hevi, winim gutpela sindaun na savemak kantri i wok painim.

Dispela wik, kantri i painimaut olsem samting olsem 17,000 skul sumatin bilong yumi long PNG i sindaun long ol Gret 12 eksam long las yia.

Long dispela 17,000, samting olsem 4000 tasol i kisim spes long bihainim skul wokabaut bilong ol i go long yunivesiti na ol arapela tesari skul.

Nau ol bosman bilong Opis bilong Haia Edukesen (OHE) i tok olsem namba wan bikpela as long ol i no inap long kisim moa sumatin i go long skul yunivesiti, em bikos ol yunivesiti na koles yet i nogat inap spes bilong kisim moa sumatin.

Wantaim ol bikpela wok luksave olsem 2015 Pasifik Gems, na bikpela developmen baset bilong dispela yia, i luk olsem gavman i mas was gut, nogut olgeta gutpela wok em i tok promis long kamapim, bai lus nating long ol hevi bilong spes long edukesen sistem bilong yumi.

Olgeta yia, ol papamama bilong yumi save kisim taim long wari long spes bilong ol pikinini bilong ol long kisim skul.

Planti ol gutpela pikinini husat i gat inap save long go long yunivesiti, i save abrus na painim ol arapela rot we ol i no laik bihainim.

Sapos ol hevi bilong spes em i namba wan bikpela banis i wok pasim ol pikinini bilong yumi long kisim moa save, em i wanpela banis gavman i mas rausim pastaim.

Mista O'Neill i mas holim kanda na mekim ol minista bilong en i mekim wok kwik na stretim dispela hevi.

Praim minista yet i bin skin kirap long senisim edukesen sistem bilong kantri. Bihain long em i tok long rausim, em i kisim tingting bilong ol savemanmeri long skul, na nau, Autkam Bes Edukesen bai stap yet inap 2014.

Ol sumatin bilong yumi no inap wet inap 2014.

Sapos yumi no stretim kwik hevi bilong nogat spes long ol yunivesiti bilong yumi, planti handret savemanmeri husat i ken givim han na tingting long stretim sindaun bilong ol pipel bilong yumi, bai lus nating.



Published Weekly, Thursday, for Word Publishing Company, Ltd.
 P.O. Box 1982, Boroko, NCD
 Papua New Guinea

Telephone: (675) 325 2500
 Fax: (675) 325 2579

Email: editorial@wantok.com.pg

Pe bilong wanpela yia
 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
 Elizabeth Konga

Editor
 Neville Choi

Published at
 Able Building Complex,
 Sec 58 Lot 02,
 Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



1. Ol balus i bung long paitim paia


NU Saut Wels (NSW) Rural Faia Sevis wokman na ol Nesenel Paks na Wail laip wokman i bung wantaim long pulamapim ol balus i save karim wara bilong kilim paia long Jindabyne ples balus long saut is NSW long Mande dispela wik.

2. Helmet bilong Hillary

YUNAITET Stets Sekreteri bilong Stet, Hillary Clinton i holim wanpela futbol helmet em i kisim olsem wanpela welkam bek presen bihain long em i go bek long wok long Stet Dipatmen long Washington, DC, long Mande dispela wik. Clinton i go bek long wok bihain long wanpela mun em i sik. Ol dokta i bin tok olsem wanpela hap long kru bilong em, rop bilong blut i bin pas.

3. Ol sumatin i no wanbel long toktok

OL sumatin long India i singaut strong taim ol i kukim wanpela piksa man, ol i tok em i makim spiritual lida Guru Asharam long wanpela protes long Nu Delhi long Tunde dispela wik. Asharam i kirapim strongpela tok bekim na kros, bihain long em i tok dispela 23 krismas meri sumatin ol i reipim i bin inap long abrusim dispela birua sapos em i bin askim ol man nogut long larim em i go.



Ol i go

OL paia trak i spid i go long traim kilim dai wanpela bikipela buspaia i kamap klostu long Hume Haiwe long Tarcutta, we ol bikipela buspaia i strong long Saut-Wes bilong Nu Saut Wels dispela wik.

Helikopta paitim paia long Bicheno

WANPELA helikopta i save tromoi wara antap long ol bikipela buspaia bilong kilim i mekim wok bilong em long ples Bicheno, long Is Kos bilong Tasmania.





Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wangepa singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

Raun wantaim Wantok kru ...

Advertisement for Lady Lauryn at The Gold Club. Text: FRI 11th & SAT 12th JAN 2 NIGHTS with LADY LAURYN. Wild Summer compilation singer MC & DJ double threat combining an energetic set with vocals & MCing, singing, rapping & keeping the dance floor heated! Don't miss this! Members free entry with your Gold card, non-members K25. info contact Sue or Jacque on 3124555 or e-mail goldclub@lamana.com.pg

DJ Lauryn bai pilai tupela nait long Lamana

Nicky Bernard i raitim

LAMANA Hotel save bring ol planti DJ na musik man-meri long kam amamasim ol kastoma o ol lain husat save go long Gold klab long amamas.

Long yia go pinis Lamana Gold klab i bring sampela DJ bilong Australia na New Zealand kam na amamasim ol pati kastoma bilong ol.

Long statim dispela nupela yia, Lamana Gold klab i kisim wangepa hot-pela DJ meri bilong Australia gen long kam statim nupela yia long amamasim ol kastoma bilong Gold klab.

Dispela i no nupela taim bilong DJ meri ya long

kam, long Yia go pinis em kam pilai na Gold klab bin pulap long ol pati lain.

DJ Lady Lauryn em meri save pilaim DJ na singsing na mekim tu ol rep musik long wankain taim tasol taim em DJ. Nek bilong em save pairap bikpela na ol rep singsing bilong em save mekim ol manmeri save stap long danis ples.

Lady Lauryn i no meri nating, em brukim rekot long Australia long sampela ol nait klab long DJ na singsing bilong em. Em tu mekim bikpela nem bilong em long sampela hap long Australia.

DJ Lady Lauryn bai pilai tupela nait long Lamana Gold klab long Fraide 11 na Sarere 12 long dispela Mun Jenwari.

EMTV Television Guide

Table with columns for time slots (4:57 AM G to 5:30 PM G) and program titles (AUSTRALIA NETWORK, ENJOYING EVERYDAY LIFE WITH JOYCE MEYER, EMTV NEWS REPLAY, etc.)

Table with columns for time slots (6:00 PM G to 10:00 PM G) and program titles (EMTV NATIONAL NEWS, RAIT MUSIK, RESOURCE PNG EP#39 - RPT, etc.)

Table with columns for time slots (7:00 PM G to 10:00 PM G) and program titles (TELIKOM, ONE DAY CRICKET - continues, AUSTRALIA vs. SRI LANKA GAME 1, etc.)

Table with columns for time slots (7:30 AM G to 7:00 PM G) and program titles (ULTIMATE GUINNESS WORLD RECORDEP# 4/52 - (2nd run), YOGA SUTRA EP# 27 Rpt., AUSTRALIA NETWORK, etc.)

Raun wantaim Kanage olgeta wik



NEM: Ludwick Monduk
KRISMAS: 25 (man)
ADRES: C/- Clerance Kombukun, PO Box 302, Kimbe, West New Britain Provins
SAVE LAIKIM: Rit, mekim pani, wok, pilai, harim musik, lukim TV na mekim poroman.

NEM: Monita Raio
KRISMAS: 22 (meri)
ADRES: Lae Ever Green, PO Box 167, Lae Morobe Provins
SAVE LAIKIM: Go Lotu, RitimBaibel, pilai gita, singsing, mekim poroman, pilai ol bol gem, wok long gaden, wasim ol klos na raitim pas.

NEM: Womie Ben- Efore
KRISMAS: 26 (man)
ADRES: C/- Christ For The Nations, PO Box 1332, Lae, Morobe Provins PNG
SAVE LAIKIM: Lainim tok ples, senisim presen, harim musik, gaden na painim wanpela poromeri long stap wantaim oltaim.

NEM: Aweqwii de Paps
KRISMAS: 24
ADRES: K- Toro Hire Cars, PO Box 111, Vanimo, Sandaun Provins
SAVE LAIKIM: Go Lotu, ritim ol buk o niuspepa na mekim pren.

NEM: Gitfty Ocloo
KRISMAS: 34 (meri)
ADRES: PO Box 35, Agona Nyakrom, Ghana - Phn: 0023354787139
SAVE LAIKIM: Raitim pas, painim wanpela man long maritim na stap wantaim oltaim.

NEM: Shirley Hori
KRISMAS: 18 (meri)
ADRES: Marinumbo Primary School, PO Box 352, Wewak, East Sepik Provins
SAVE LAIKIM: Harimm, danis, kuk, wasim klos, pilai spots, Go Lotu, mekim pani na go swimming

NEM: Sharon Tatapai
KRISMAS: 15 (meri)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Go Lotu, lukluk CD na pilai spots.

NEM: Nasain Calvin
KRISMAS: 14 (meri)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Pilai Spots, Go Lotu, Lukim CD na rit planti

NEM: Karl Pewa
KRISMAS: 30 (man)
ADRES: Semoroks Gospel Club, PO Box 3368, Lae, Morobe Provins.

SAVE LAIKIM: Stap wantaim Jisas, Pilaim gospel musik na laikim kristen Lutheran meri o arapela sios meri husat igat strongpela tingting long pilaim musik bilong God.

NEM: Darren Calvin
KRISMAS: 15 (man)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Lukim CD, Pilai Spots na Ridim buk



Mi gat hevi na mi laikim helpim

Dia Laipain,
 PAMAMAMA bilong mi i dai pinis sampela krismas i go pinis long birua bilong kar long narapela provins.

Olsem na liklik brata bilong papa bilong mi i marit long narapela provins i bin kisim mi taim mi liklik yet na i gat 8-pela krismas tasol na ol i lukautim mi. Nau mi gat 21 krismas na mi wokim namba tu yia skul bilong mi long wanpela teseri institusen long kantri. Long lukluk bilong mi, sampela senis mi wok long lukim i narakain na i no olsem bipo taim mi liklik we mi bin stap amamas ma groap.

Anti na ankle bilong mi i save komplem olgeta de na tromoim ol toktok long ol samting mi no mekim. Na mi no amamas long dispela. Mipela i save go lotu long Pentekostel Sios olgeta Sande tasol dispela i no helpim wari mi gat long em. Taim ol dispela samting i wok long kamap, kasen brata bilong anti bilong mi i bin reipim mi. Dispela i bin kamap wanpela moning taim olgeta hauslain i bin go aut na lusim mitupela tasol long haus. Em i wokim strongpela toktok long banisim mi long noken tokaut long dispela samting. Sampela wik bihain, mi bin go sekap long dokta na painimaut olsem mi gat bel. Mi wan na haf mun pinis. Mi pret long tokaut long dispela long tupela was papamama bilong mi.

Bai mi mekim wanem nau? Mi laikim sampela stiatok sapos mi rausim bebi long bel o lusim i stap.

SCARED TO TELL

Dia Pren,
 MIPELA i wok long harim na long wankain taim tu, kisim planti pas na ol telepon kol long ol yangpela na moa yet, long ol meri husat i bungim dispela kain hevi. Mipela i sori na i no pilim gut long dispela samting we i wok long kamap long planti ol yangpela pikinini meri bilong yumi long dispela kantri.

Nambawan, mipela i laik tok tenkyu long dispela was papamama husat i kisim yu na lukautim yu taim trupela papamama bilong yu stret i dai. Yu tok tupela i bin kisim yu taim yu lukluk yet



wantaim 8-pela krismas taim papamama stret i dai na yes, yu bin amamas groap wantaim was papamama. Nau yu stap long wanpela bikpela skul long kantri tasol yu no save watpo was papamama i sutim tok long yu, maski yupela i save go long lotu. Tasol wanpela hauslain i reipim na bagarapim yu na yu gat bel nau long haus we yu groap long en. Na nau yu sori i stap.

Pren, mipela i laik bai yu luksave olsem yu stap insait long hevi nau. Sampela taim, kain situesen i save kam insait bikos ating yumi larim dua long em i kam insait. Dispela samting i kamap long yu na i ken kamap long ol narapela yangpela meri, maski yu stap wantaim bubu meri bilong yu na ol was papamama o ol lukaut papamama. Mipela i strongim yu olsem yum mas toktok long wanpela famili memba long hevi i kamap long yu. Mipela i bilip olsem ol papamama i gat rait long save. Yu tok pinis olsem ol (was papamama) i wok long komplem na sutim tok long yu. Yu ting ol bai amamas sapos yu haitim long ol na ol i harim long bihain taim?

Mipela i laik tokim yu olsem taim yu tokim tupela papamama long hevi yu gat long em, ol i ken senisim pasin bilong ol long yu. Yu ting olsem papamama em ol i as long dispela hevi i kamap long yu? Mipela i strongim yu long pogivim ol na askim yu long wokim ol plen long bihain taim bilong yu na pikinini bilong yu.

Yumi olgeta i save mekim mistek o asua na lainim long ol. Na mipela i laikim yu long go het long laip bilong yu bikos mipela i bilip olsem dispela em i rot long bihainim, na noken wari tumas long situesen bilong yu. Mipela i save olsem yu no bin ripotim dispela samting long

polis, tasol yu mas gat as tingting bilong yu yet long i no mekim dispela.s

Yu toktok long rausim bebi, tasol pren, Laipain i no wanbel long dispela bikos em i egensim lo bilong Bikpela na tu, lo bilong kantri. Sapos yu no klia long ol rait bilong yu o yu pret long toktok wantaim papamama bilong yu, go long Welfea opisa o Kaunseling Ogenaisesen klostu long yu. Tu, i gat Helpim Desk long planti Polis stesen long kantri. Ol opisa long long ol opis na ol ogenaisesen bai helpim yu etresim hevi yu gat long em.

Mipela i stap long helpim yu sapos yu laik toktok long mipela. Yu ken ringim mipela long telepon namba 326001/3263138/3405832.

Mipela i enkarijim yu long noken bagarapim bebi long bel na tu, go het skul bikos yu tingim, edukesen bai helpim yumi long gutpela bihain taim bilong yumi. i moabeta yu belgut wantaim papamama bilong yu pastaim. Na wantaim papamama bilong yu, toktok long man i bin reipim yu.

Mipela i strongim yu long go long sios yet wantaim was papamama bilong yu nay u ken gat lewa bai i laik pogivim narapela, laik pasin na harim tok. Na Papa Antap em Prins bilon g Pis bai lukautim na stiaim yu long laip bilong yu. God i laikim yumi long harim tok olsem ol pikinini bilong em. Ritim Baibel bilong yu long Diutronomi Sapta 26 Ves 16-18.

Mi Pren bilong yu, Laipain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.
Laipain

Willie Tropu redi long kamaut wantaim nupela 'Sapar Gadon' musik album

JAMES KILA i raitim

LONG 1980s na 1990s i kam olsem, i gat wanpela turangu man i save raun raun long Nu Taun eria long Madang na raun i go olsem long Jomba na ol eria antap long hap.

Nem bilong dispela turangu man em Sapar.

Planti ol lain long bipo husat i save stap long Nu Taun na Yabob na long Jomba eria i save lukim dispela turangu man Sapar i raun i stap. Sampela i save tok-pilai long em na sampela i save sore na helpim na givim samting long em.

Mi yet tu mi groap na bikpela wantaim ol lain Yabob na skul long Jomba na mi save gut tru long Sapar na mi save lukim em raun raun na mi yet tu i ken tingim em yet.

Mi yet wantaim narapela musikman bilong Yabob yet, Demas Saul i save raun raun long Jomba na pilai raun i stap na Sapar i save giaman ronim mipela na mipela save tekov nabaut long Jomba fil na long Tangu kem, em nau Balasiko maket nau i stap long en. Mi sore gen....

Yes. Wanpela strongpela musik man bilong Yabob viles, Willie 'Old Dog' Tropu, husat pastaim save go pas long ben grup Old Dog na Offbeats i tingim yet turangu Sapar na i raitim wanpela song na dediketim na kolim nupela album em 'Sapar Gadon..

Yes, Willie 'Old Dog' Tropu em wanpela stail na resa papa - musikman bilong Yabob ples husat i stap nau long Mosbi siti, tasol i wok long pairapim yet ol stail musik album bilong em long promotim ol songs bilong laipstail bilong Madang na tu naispela ailan na gutpela kolwin bilong Yabob, Mareg ailan na tu ples bilong em long Madang.

Dispela nupela kaset album bilong Willie Tropu taitol bilong em 'Sapar Gadon' na album ya em i rekotim wantaim wanpela nupela studio long Mosbi ol i kolim Melanesian Vibes. Man husat i rekotim na stailim gut tru dispela nupela album bilong Willie em Richard Masi..

Em i tokaut olsem dispela nupela album em i katim bikos planti ol fens bilong em i wok long askim em tumas long wanem taim bai 'Old Dog' i pairap gen.

"Mi katim dispela nupela album bikos ol fens bilong mi askim mi tumas, tasol mi ken tokim ol olsem 'Lapun Dok' i stap yet," Willie i tok.

Willie Tropu i stori namba wan taim tru wantaim mi long dispela nupela album bilong em we mi yet mi skelim dispela album i gat kik na ating ol lain husat i save gat filings long harim Madang musik bai sanap long pinga stret na na tu kisim naispela filings. Mi skelim olgeta songs long dispela nupela album na tru tumas ol i gat strong long mekim ol lain husat i save laikim Madang musik bilong Old Dog i sindaun na silip krangki wantaim wari na sore.

Taitol bilong album 'Sapar Gadon' i stori long turangu Sapar na ol ves o lain bilong song bai mekim planti lain husat i save lukim turangu Sapar i raun bai tingim em yet.

Hap ves bilong song i go olsem: "Sapar gadon, tomol gadon, din itor..... Sapar gadon, gadon mopke.... I lum pik epene pe" (Turangu man i gat sore i wokabout i stap.... Lukim em na sore long em"

Dispela nupela musik album bilong Willie Tropu em i rekotim wantaim wanpela nupela studio long Mosbi, we wanpela brata Richard Masi bilong Madang na hap Milen Be yet i stap olsem saun-enjinia long stretim na putim swit bilong naispela kala na stail.

"Mi amamas long katim musik bilong mi wantaim Richard Masi long Melanesian Vibes na mi bilip musik bilong mi bai promotim dispela nupela studio," Willie i tok.

Em i tok tu olsem dispela album bilong em bai Chin H Meen bai mekim prodaksen na salim aut insait long kantri. Dispela em bikos Willie i gat kontrak yet wantaim Chin H Meen i stap long wokim na kamapim ol musik album bilong em.

Yes, mi gat sans long harim olgeta musik bilong matu ya Willie 'OD' Tropu na ating mi bilip musik bilong em bai stilim lewa bilong planti lain husat i save laikim stail bilong em long tromoi ol songs i go kam.

Ating dispela eria em mi larim long laik na filings bilong ol yet long skelim bihain taim ol yet i harim na kisim filings long dispela stail na resa album bilong



Willie "Old Dog" Tropu i redi long pairap wantaim nupela 'Sapar Gadon' musik album.

Old Dog (lapun dok) bilong musik bilong Yabob.

Dispela nupela musik album bilong Willie Tropu em i rekotim wantaim wanpela nupela studio long Mosbi, we wanpela brata bilong Madang na hap Milen Be yet i stap olsem saun-enjinia long stretim na putim swit bilong

Dispela nupela volium i gat planti ol gutpela songs we Willie yet i raitim na i bilasim gut tru wantaim helpim bilong studio enjinia bilong Melanesian Vibes Studio, Richard Masi, na ating planti ol lain husat i save laikim musik bilong 'Old Dog' bai laikim tru.

Willie i stori olsem dispela nupela studio Melanesian Vibes em wanpela brata bilong hap Madang long Rivo na Milen Be i go pas long en, na bikos em hap Madang i stap, ating pairap bilong dispela nupela album bilong Old Dog bai narakain liklik na swit tru long yau na filings bilong planti lain.

Insait long dispela nupela album 'Sapar Gadon' i gat sampela ol olpela songs we Old Dog i mekim remix bilong en. Ol song ya em pastaim Old Dog wantaim grup bilong em Offbeats i bin singim pinis long ol pastaim album bilong ol wantaim Tumbuna Traks Studio long Madang.

Ol songs we Old Dog i mekim remix bilong en long nupela album em Hangu Panu, Swit Mama, Sau Laliku na Mi Painim Yu. Em i mekim remix tu long narapela song bilong tok-ples Sepik em Kiandera, we Old Dog i bin singim long wanpela solo album bilong em.

Willie i kamap wantaim sampela nupela songs tu long dispela nupela album bilong em we em i singsing long tokples bilong Begesin. Dispela nupela song em Karu karu. Ol narapela song em Burigo lalona na Basisa.

Dispela song Basise em Willie i singim wantaim pikinini man bilong em Ivan long bringim sampela kain kala we papa na pikinini i bung na tromoi namba wantaim.

Narapela song tu em Willie i raitim na stori long Madang taun na ol bilias na kala bilong taun na Kalibobo na ol ston long Godawan poin. Hap ves bilong song i to olsem.

"My Soul May Roam, But My Heart will Rest In Beautiful Madang" Dispela em wanpela song Willie i raitim long stori long Madang. Ating planti lain bilong Madang husat i wok raun long sampela hap bilong PNG i harim dispela song bai salim

tingting stret long ples.

Ating song ya tu i stori long Old Dog yet husat i lusim ples long Yabob longpla taim tru na stap longwe long bikpela siti long Mosbi, tasol lewa bilong em i tingim yet ol purpur bilong Madang.

I gat wanpela song Willie yet i raitim em 'Roslyn Bubengu' we Willie i dediketim i go long olgeta foma kalabus lain na ol lain nau husat i stap insait long banis.

Willie i stori tu olsem dispela nupela album em i dediketim tu i go long wanpela brata husat i lusim ol pinis nem bilong em Simon Misingu Tropu. Em i tok olsem maski husat i givim em sapat, na nau i no stap wantaim em tude, em i tingim ol yet wantaim dispela nupela musik album bilong em.

Willie i tingim tu na dediketim album ya long leit Tony Soru Subam, wanpela pos bilong PNG musik na man Yabob yet husat i dai long las yia. Leit Tony Subam husat em lida bilong Sanguma ben i givim gutpela tingting na i stiarim ol musik man bilong Yabob olsem Willie Tropu yet, leit Sandie Gabriel bilong Kale Gadagads (Kales) na tu Demas Saul long sanap strong na go fowat long musik bilong ol.

Kuk wok pulim ol yangpela

Nicky Bernard i raitim

KUK em yumi olgeta save long mekim, tasol long stailim ol kuk kaikai planti bilong yumi bai paul liklik long en.

Kuk long stailim kaikai i gat skul bilong em, na dispela skul bilong em i save kisim 6 o 8-pela mun long save long ol liklik stail bilong kukim kaikai.

Peter na Agatha, tupela save kuk long Lamana Hotel na save sevim kaikai long ol kastoma bilong Lamana taim ol baim. Tupela na ol kuk manmeri bilong Lamana save mekim gutpela kuk kaikai bilong Lamana Hotel.

Agatha, i wok long Lamana 7-pela yia olgeta, Peter i wok 4-pela yia long Gateway na lusim na wok long Lamana klostu 9-pela mun nau. Tupela save

stailim ol kaikai bilong Lamana na taim yu go in-sait long Gold klab, stail kaikai bilong ol bai pulim ai na bel bilong bai karai long kaikai.

Peter na Agatha, save sevim gut tru ol kastoma bilong ol long sait bilong kaikai, taim klab save bisi tupela tu save bisi stret, na kaikai bilong tupela save pinis hariap stret.

Peter na Agatha kisim skul pepa bilong kuk na stailim kaikai, planti bilong ol yangpela mangi olsem Peter tu i wok long kisim skul bilong kuk na wok long sampela bikpela Hotel in-sait long Papua Niugini.

Peter na Agatha i amamas long wok bilong tupela olsem kuk, tupela save stap klostu long sampela top kuk man husat kam long ovasis na lainim ol, tupela save putim gut was na lainim olgeta samting ol lainim.



Naispela kaikai na naispela pes. Agatha na Peter stap beksait long kaikai haven wetim ol kastoma. *Poto Nicky Bernard*

Digicel kamapim narapela promosen

Nicky Bernard i raitim

DIGICEL PNG kamapim narapela promosen bilong ol bipo long nupela yia kamap.

Dispela promosen ol staitim long Disemba las yia na i wok ron yet long dispela nupela yia Jenwari.

Ol kastoma bilong Digicel ken ring fri long olgeta nait bihain long 9-kilok inap long 6:59 long moning, dispela fri kol yu mas rejista pas-taim bihain bai ol givim tok orait long fri kol.

Dispela fri kol em bai yu ring go long Digicel go Digicel na yu ken tok long laik bilong yu inap long wanem taim yu pinis.

Digicel tu i hapim fri sms bilong em, taim yu salim sms bilong yu tupela taim bai yu kisim 18 na bihain 29 fri sms gen bai kamap.

Digicel kamapim dispela tupela promosen long helpim ol gutpela kastoma bilong ol long dispela kris-mas na nupela yia.

Dispela promosen bai ron yet inap long Digicel bai toksave long ol gutpela kastoma bilong em long wanem taim bai pinis.



PR Opisa Lynett Boas, Maketing opisa Anna Taviri na Bosmeri bilong PR na Ivens Jayleen Morris i soim ol nupela promosen bilong ol. *Poto Nicky Bernard.*



PM O'Neill amamas long investmen bilong MCC long PNG

PRAIM Minista Peter O'Neill i tokaut olsem Ramu Nikel Projek long Madang provins i gat bikpela ekonomik promis bilong ol pipel bilong Papua Niugini na kantri wantaim.

Na em i tok amamas long wok bung o patnasip namel long MCC na ol arapela stekholdas husat i invest o putim mani long sapotim dispela bikpela projek long kantri.

Praim Minista O'Neill i tok olsem dispela Projek i givim wok long planti tausen ol manmeri bilong Papua Niugini na bai go het long kamapim wok taim em i go insait long prodaksen.

Praim Minista, Peter O'Neill, husat em gest-spika long seremoni i tok Ramu Projek i gat ekonomik laip we i ken halivim developmen bilong Papua Niugini i gro i go bikpela long sait long bisnis na tred.

"Insait long narapela 20 yia taim, Ramu NiCo Main bai bringim mani we i moa long K29 bilion i kam long nesanel baset na peim moa long K29 bilien na peim moa long K750 milien olsem pei bilong ol wokmanmeri bilong PNG," Praim Minista O'Neill i tok.

Mista O'Neill i tok olsem Ramu NiCo bai givim bikpela helpim tru long sait long developmen bilong PNG long sait long peim gavman takis, kampani takis, royalties na tu win-moni o ikwiti we em bikpela milien Kina stret.

"Gavman bilong mi i amamas long invesmen MCC i mekim wantaim ol bisnis patna bilong ol bilong Australia," Mista O'Neill i tok.

Mista O'Neill i givim bikpela strongpela bilip na tingting bilong em long sanap strong wantaim menesmen tim bilong Ramu NiCo long strongim wok long go het insait long kantri.

"Mipela i save olsem dispela em namba wan bikpela investmen bilong wanpela kampani bilong China long kantri bilong yumi,

"Olsem na mipela i luksave olsem dispela projek bai bringim kamap moa invesmen wok-bung namel long PNG na China long ol yia i kam bihain," Mista O'Neill i tok.

Em i luksave na givim tok amamas bilong em tu i go long Gren Sif Se Michael Somare, husat i opim tred na wok bung namel long kantri bilong China long 1976.

Mista O'Neill i tok PNG tude i amamas long lukim ol planti bikpela helpim i kam long China bihain long dispela tred bung em Se Michael Somare i kamapim na tu dispela rot tasol i opim dua bilong MCC long kam insait long kantri long mekim bikpela invesmen bilong em long hia.

Praim Minista O'Neill i tokaut tu olsem taim em i bin opim Maining na Petroleum Konferens long Sidni, Australia, gavman bilong em i tokaut long strongpela bilip bilong en long wok klostu wantaim ol investa bilong Australia na China na tu ol arapela investa bilong ol arapela kantri long wol.

Em i tok gavman bilong em i bilip strong long wok klostu wantaim ol kantri na go het wantaim ol investmen kondisen we ol i wok long en pastaim i kam na dispela gutpela wok-bung bai i go het long ol yia i kam.

Mista O'Neill i tok gavman bilong em bai wok strong long lukim olsem olgeta samting i ken wok stret long gutpela bilong ol investa na tu ol lain papagraun na wanem ol invesmen wok we i kamap long kantri bilong yumi i ken go orait na kamap gut tasol long helpim ol pipel na ekonomi bilong kantri bilong yumi.

Em i tokaut olsem long dispela as tasol, em i givim bipela tok welkam long ol investa long bringim gutpela developmen i kam insait long kantri.

Presiden bilong China Metallurgical Grup Koporesen (MCC), Guo Wenqing tok olsem MCC Grup bai bihainim lek-mak bilong Ramu NiCo long lukluk long kamapim sampela moa invesmen long PNG na bai strongim wok-bung na bisnis poroman namel long China na PNG.

Em i tok MCC Grup i amamas tru long lukim Ramu NiCo, wanpela projek we pastaim i hait stret insait long bus bilong Usino-Bundi nau i soim em yet pinis long wol olsem em wanpela wok-klas Projek we i bungim laterait maining, benefisiein na rifaining na i abrusim planti salens na hevi long kamap nau na stap olsem.

Mista Guo i tok olsem Ramu Projek em bikpela invesmen tru bilong wanpela China kampani insait long

Saut Pasifik rijon na i karim stret fleg bilong MCC olsem wanpela trupela ovasis maining invesmen. Olsem na dispela lek-mak bilong Ramu Projek em MCC bai bihainim long gohet long kamapim invesmen bilong em insait long wol.

Siaman bilong Bod bilong Ramu NiCo, Madam Luo Shu i tok olsem Ramu Projek em olsem wanpela star i sain long soim gutpela intanesenel wok bung we i bungim capitol invesmen, mineral risos bes, gutpela teknikal na menesmen save, askim bilong maket, konstraksen na developmen save long kamapim.



Ples we ol bikman i givim toktok long Basamuk.



Praim Minista O'Neill i redi long katim ribbon long makim pinis bilong Konstraksen bilong Ramu Nikel Projek



Praim Minista bilong PNG, Peter O'Neill i sekan wantaim Presiden bilong MCC Grup, Guo Wenqing long Basamuk long Disemba 6, 2012.



Ol bikman wantaim PM na Se Michael i sanap fran long stes.

RAMU NICO **Ramu NiCo redi long givim**
 Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.
 Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim kliia mak bilong wok mipela i pinisim:

- Moa long 4.5 milien kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komyuniti'



**ATTACHMENT A1
FEES CHARGED UNDER ELECTRICITY INDUSTRY (APPROVAL OF ELECTRICAL APPLIANCES) REGULATION.
SCHEDULE 2 REG. SECT. 13 FEES**

TYPE OF SERVICE	COLUMN 1 (Existing)	2013
Fees for approval of non-prescribed electrical appliances.		
For the first or the second submission of each model of an appliance submitted for approval.	NIL	K56.00
For the third and each subsequent submission of the same model the fee payable by the applicant:		
-for tests done in the Laboratory	K5.00 per man-hour	K61.00
-for tests done on the field or site	K5.00 per man-hour	K61.00
For the return of appliance	At applicant's cost	At applicant's cost
Fees for approval of prescribed electrical appliances.		
For tests or examinations of each prescribed appliance	K5.00 per man-hour	K61.00
For the return of the appliance to the applicant	At applicant's cost	At applicant's cost
Application for certificate of approval	K4.00	K48.00
Application for duplicate certificate of approval	K2.00	K26.00
Application for modification of certificate of approval	K2.00	K26.00
Sale and display of unapproved electrical appliance or accessory		
For each appliance a fine not exceeding	NIL	K280.00
Additionally a penalty applies for each day the appliance is on sale and or display	NIL	K30.00
Use of unapproved electrical appliance or accessory		
For each appliance a fine not exceeding	NIL	K30.00
Additionally a penalty applies for each day the appliance is in use	NIL	K30.00
Miscellaneous		
Inspection of Register	K0.50	K6.00
Certified copy of entry in register, each entry	K1.00	K13.00
Certified copy of all entries in register	K3.00	K36.00

**ATTACHMENT B1
FEES CHARGED UNDER ELECTRICITY INDUSTRY (LICENSING OF ELECTRICAL CONTRACTORS AND ELECTRICIANS) REGULATION
SCHEDULE 1 REG. SECT. 11 FEES**

TYPE OF SERVICE	COLUMN 1 (Existing)	COLUMN 2 (Revised)
Electrical Contractor's Licensing		
Application for Electrical Contractor's License-Sole proprietor	K10.00	K112.00
Application for renewal of Electrical Contractor's license-Sole proprietor	K10.00	K112.00
Application for replacement of license-Sole Proprietor	K10.00	K112.00
Application for Electrical Contractor's license-Partnership	K10.00	K112.00
Application for renewal of Electrical Contractor's license-Partnership	K10.00	K112.00
Application for replacement of license-Partnership	K10.00	K112.00
Application for duplicate license	K1.00	K13.00
Electrician's License		
Application for license (unrestricted & restricted)	K2.00	K26.00
Application for renewal of license (unrestricted & restricted)	K2.00	K26.00
Application for replacement of license (unrestricted & restricted)	K1.00	K13.00
Application for duplicate license (unrestricted & restricted)	K2.00	K26.00
Examination Fees		
Application for permission to attend complete examination	K4.00	K48.00
Application for permission to attend written section only	K1.00	K13.00
Application for permission to attend practical section only	K2.00	K26.00
Application for permission to attend oral section only	K1.00	K13.00
Application for re-marking of written examination paper	K2.00	K26.00
Late renewal of license per day	K10.00	K122.00

**ATTACHMENT C
FEES CHARGED UNDER THE ELECTRICITY INDUSTRY (SERVICE AND INSTALLATION) REGULATION
SCHEDULE 1 REG. SECT. 6 FEES**

TYPE OF SERVICE	COLUMN 1 (Existing)	COLUMN 2 (Revised)
Initial inspection upon completion of works	NIL	K56.00
First re-inspection after inspection find faults or defects	K20.00	K240.00
For each subsequent re-inspection	K40.00	K484.00
Charge per day for each fault not rectified	NIL	K28.00
After hours inspection/UMH-Weekdays	K20.00	K240.00
After hours inspection/UMH-Weekends and Public Holidays	NIL	K195.00
Notice of Intention Book	NIL	K183.00
Electrical Trade Circular-for public use	K10.00	K122.00
Electrical Trade Circular-for public use and posted anywhere in PNG	K15.00	K183.00

**THESE FEES WILL BE EFFECTIVE AS OF JANUARY 21st, 2013.
AUTHORIZED BY: Lawrence Solomon (A/CHIEF EXECUTIVE OFFICER)**



Winsim kau

NOGAT toktok long en. Long Indonesia, ol i save winsim ol laip kau long rop ol i pasim raunim het bilong ol. Ol wokman long sipbris i yusim ol dispela rop ol i pasim raunim ol nek bilong ol kau long ples Surabaya, long Is Java, Indonesia.



Wantok

NIUSPEPA BILONG YUMI OL PNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the WANTOK to you each week. We publish the WANTOK 52 times a year.

AIRMAIL SUBSCRIPTION RATES (includes postage & handling)
PNG K220.00, Australia/New Zealand US\$110.00, Asia/Pacific US\$150.00
Rest of the World US\$210.00

NCD HOME DELIVERY

80t per copy or K65.00 for two or more copies. Office pickup K52.00 per year for a copy.

Please send me.....copy/copies of WANTOK for one year.

I enclose Kina/USD..... as full payment.

Name.....
Postal Address.....
City.....
State/Province..... (abbreviation)
Country..... Zip/Postal Code.....
Street Address.....
Telephone..... Fax.....
Email.....
Signed..... Date.....

Address: Subscriptions
Word Publishing Company Ltd
PO BOX 1982
Boroko, NCD 111
Papua New Guinea


Attn: Luke MEK (Circulation & Distribution)



Kosa bilong nupela tim Wolf wantaim yangpela pilaia bilong kisim win na redi long dispela nupela yia pilai. Wolf tim em nupela tim long joinim Pot Mosbi sofbol na ol tu wok daunim sampela strongpela tim.

Ol Spot Eksen poto long wiken...

Ol Poto Nicky Bernard.



Krismas na Niu yia pinis nau, na eksen bilong praivet netbol kompetisen bai kam gen long Bisini Netbol kot olsem dispela eksen pilai.



Bihain long tupela wik malolo planti tim bilong Sofbol bai traim long kisim bek strong bilong ol long winim ol pilai bilong ol.

SEASON PROPER - ROUND ONE, GAME FIVE

Saturday, 12 January 2013
DIAMOND TWO

TIME	TEAMS		TEAMS	GRADE
9.15 - 10.30	Gazelle	v	United Sister	B
10.30 - 11.45	Wantoks	v	Bears	B
12.30 - 13.45	Chebu	v	Admiralty	A
13.45 - 15.00	Gazelle	v	Bears	A

DIAMOND THREE

TIME	TEAMS		TEAMS	GRADE
9.15 - 10.30	Admiralty	v	Chebu	B
10.30 - 11.45	Stingerz	v	Wolves	B
12.30 - 13.45	United Sisters	v	Stingerz	A
13.45 - 15.00	Wantoks	v	Wolves	A

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Central Waigani, NCD.

Ol samting bai kamap long dispela yia



Bai yumi stat wantaim Mini Pasifik Gems na i go antap long ol bikpela gem olsem Olimpiks.

Tingim tu olsem wanwan spot i save gat ol bikpela tonamen bilong ol yet tu olsem ol wol sempionsip na wol kap – yumi bai lukluk long ol dispela tu.

Bekim bilong yu

Dispela yia, mipela i laik bai yu tu i mas givim tingting bilong yu long ol samting we i kamap long hia.

Long dispela as, bai gat wanpela hap aninit long stori we nem na kontek bilong mi bai stap we yu ken rait i kam na askim o givim tingting long wanpela hap tok, stori o piksa we i kamap long hia.

Sapos i gat wanpela kain spot o pilai we yu laik save gut long en, o rait yu ken salim askim bilong yu i kam na bai mipela i traim painim na tokaut long en long hia.

Em tasol stori bilong yumi long dispela wik na bai yumi statim wokabaut bilong yumi long lukim ol kain kain samting insait long spots, long wik i kam.

Nau yet, planti ol spot i no stat yet tasol mi sae olsem sampela i statim ol trening pinis long redi long hatim skin long pri sisen bipo long propa sisen i kirap.

Lukautim yu yet, harim toktok bilong kosa, trening strong na pilai bihainim stail na loa bilong gem stret.

Lukim yu neks wik.

BIPO long mi surukim tok i go moa long stori bilong yumi dispela wik na tu long dispela yia, mi laik tok Heki Nu Yia long yu na tenkyu long stap wantaim mi gen.

Mi bilip olsem olgeta samting bilong yu long dispela bai kamap gut tasol.

Orait, nau bai mi toktok long wanem ol samting bai kamap long dispela yia long sait bilong spots we yu bai ridim na painim aut moa long en long dispela hap bilong namba wan tok pisin niuspepa bilong yu.

Long las yia yumi lukluk tasol long ol kain kain spot na pilai we i save kamap olgeta hap long wol.

Yumi luksave long ol stail bilong pilaim ol dispela gem na tu painim aut long wanem taim na wanem as ol i bin kamap.

Dispela yia bai yumi mekim wankain gen tasol sampela taim bai yumi suruk i go long sait na lukluk long ol arapela samting insait long spots we i ken helpim yumi tu.

Ol samting bilong lainim

Sampela long ol dispela em long kisim liklik skul long ol samting bilong pilai, olsem gutpela stail bilong kikim ragbi o soka bal, stail bilong ron gut na ol liklik trening bilong strongim bodi na ol arapela samting olsem.

Olsem na sapos yu laik save gut long sampela gutpela stail bilong kikim bal, kalap, ron, takol, tromoi bal o swim, nau bai yu ken gat sampela save long ol na moa.

Yu bai save tu long stretpela rot bilong mekim sampela kain ol trening we ol bikpela tim na spots manmeri save mekim long strongim ol yet taim ol i redi long ol gem bilong ol.

Ating wanpela samting yu bai amamas long save long en tu long hia dispela yia em masol ats (martial arts) na self difens (self defence) o sampela kain stail bilong lukautim yu yet sapos birua i bungim yu.

Long masol ats na self difens, mi no min olsem bai yu lainim long kalap na pait olsem Bruce Lee, Jackie Chan o Jet Li, tasol bai yu ken lainim long luksave long birua na abrusim ol bipo long ol i mekim sampela samting long yu.

Na sapos dispela birua i painim yu, orait bai yu mas mekim wanem long banisim yu yet na ronawe long en.

Bai yumi lukluk tu long sampela ol biknem spots manmeri bilong Papua Niugini na tu long wol long.

Dispela bai ol manmeri bilong kain kain spots na i no bilong soka, ragbi o ol arapela spot we i save kamap long PNG tasol.

Bai yumi painim aut long nem, gem, ples bilong ol, rekot na win na lus bilong ol na tu stori bilong ol long wanem samting ol i mekim o bihainim long kamap gutpela tru long gem bilong ol.

Wankain luksave bai go long ol kosa na trena tu husat i gat nem long trenim plan-ti ol gutpela spots manmeri.

Na i no ol pilai tasol, bai yumi lukluk tu long sampela ol biknem spots tim na klap insait long PNG na ovasis husat i gat bikpela histri aninit long nem bilong ol.

Ol bikpela gem

Stat long wik i kam bai yumi lukluk long ol bikpela gem olsem Pasifik Gems, Komonwelt gems na ol arapela.

Yumi bin stori liklik long dispela ol bikpela gem pinis tasol nau bai yumi go insait liklik moa na save gut tru long as na bilip bilong dispela ol gem.



...kalap na kisim bal.



KIK: Bai yu lainim ol samting olsem kikim bal...



...pilai ragbi.



...resis long wara



...sut wantaim bunara na spia



...na tu lukautim yu yet long taim bilong birua.



Siaman bilong PNG Midia Pul Colin Taimbari i presentim PNGMPC T/Sot i go long Franco Nebas long makim stat bilong pilai long Lae. Poto TaimZone Midia

Midia Snuka bai kirap long Lae

Nicky Bernard i raitim

POPULA Midia snuka bai kirap nau long Lae siti, dispela bai namba wan taim wanpela provins autsait long Mosbi siti i kirapim dispela snuka pilai bilong ol nius manmeri.

Siaman bilong Midia Snuka, Colin Taimbari, bin laikim na welkamim Lae Siti long kirapim dispela snuka pilai bilong ol nius manmeri long Lae.

Mista Taimbari, i tok dispela em bai nambawan taim wanpela provins autsait long Mosbi i laik jaim dispela PNGMPC.

Em tok tu olsem ol nius manmeri na ol bisnis haus long Lae i amamas tru long dispela kompetisen bai kirap long namba tu siti bilong PNG.

Wanpela sinia nius man long Lae Franco Nebas na ol komiti bilong em i wok long stretim ol samting long kik opim dispela pilai long mun

Mei wankain long Mosbi.

Mista Nebas i tok planti ol klab tu long Lae harim dispela kompetisen na laikim long kisim dispela pilai bai stap long klab bilong ol.

Em tok tu olsem ol planti ol bisnis haus long Lae i putim han go antap pinis long sapotim dispela kompetisen na kamap olsem spona tu.

Midia snuka kompetisen bin stat long 2004 wantaim 4-pela tim, na nau i wok long go bikpela na bikpela moa yet wantaim moa long 30-

pela tim.

Mista Taimbari, tok tenkyu go long ol bisnis haus long sponsaim na sapotim dispela kompetisen na mekim kam bikpela olsem.

Em tok tenkyu tu go bikpela spona Nesinal Geming Kontrol Bod (NGCB) long sponsaim dispela kompetisen long 3-pela yia nau.

Mista Taimbari tok long ol dispela mun kam ol bai sidaun long stretim ol liklik kos bilong ol referi na ol rules bilong pilai long Lae.

Meknais bilong Inglis opim dua long Champion

STRONG bilong Greg Inglis long fulbek bilong South Sydney Rabbitohs i opim dua bilong bipo senta man bilong ol, Beau Champion long kam bek.

Long Tunde dispela wik, Souths i tokaut olsem Champion bai kam bek long klab wantaim wanpela tu-yia kontrak bihain long Gold Coast Titans i lusim em i go.

Bipo rep senta i bin lusim posisen long Rabbitohs bihain long Inglis i joinim klab long kirap bilong 2011 sisen.

Inglis i mekim gupela nem long fulbek, na i no long senta.

Em nau kosa Michael Maguire i muv em i go long namba wan jesi long namba wan yia bilong em las sisen.

Maski em i lukim Inglis i lokim gut fulbek posisen,

Maguire i bungim hevi long ol senta.

Em i tok nau bai Champion i givim moa save long lain bilong Rabbitohs.

"Beau i gat bikpela save long pilai – na mipela i amamas tru long gat wanpela pilaia olsem em long skwad bilong mipela," Maguire i tok.

"Beau i kam insait long skwad bilong mipela i strongim na givim salens long fes gred tim bilong mipela."

Champion i bin pilaim 70 gem namel long 2005 na 2010, pastaim long em i muv i go long Melbourne na pilai wantaim Titans.

Em bai salensim ol pilaia olsem Shaune Corrigan, Andrew Everingham, Dylan Farrell, Justin Hunt, na Chris McQueen long resis long pilai senta.



KAM BEK: Beau Champion i redi long kam bek long senta bilong Roosters.

Titans laikim pawa bilong Jennings

SYDNEY Roosters i sanap strong long pulim Nu Saut Wels orijin senta Michael Jennings, maski Gold Coast Titans i wok long traime pulim em tu.

Titans, husat i nidim tru sampela strongpela pilaia bihain long Beau Champion i lusim ol, i laikim tru Jen-

nings.

Tasol Jennings yet i lukluk long stap yet long Sydney.

Em i min olsem Roosters bai inap yet long holim em.

Maski Jennings i redi long pinisim kontrak bilong em wantaim Panthers, Penrith i gat strong inap long

holim em bek.

Nau yet, Jennings i wok long kisim K600,000 olgeta sisen, tasol Roosters i wok long ofaim em K2 milian long foapela yia, we i daun-bilo moa long pe em i wok kisim long Penrith.

Titans, husat i bungim hevi bilong saleri kep las

sisen, nau i gat rum bilong muv bihain long ol i lusim plemeka bilong ol, Scott Prince, na Champion.

Sapos ol i kisim siknesa bilong Jennings, em bai givim ol strong inap long sanap wantaim Nate Myles, Greg Bird, Dave Taylor, na Jamal Idris.



Samting yu mas mekim long taim bilong lusim ples

NAU we yu i redi long kalap long balus o bot long go long Gems, i gat sampela ol bikepla samting yum as mekim pastaim long olgeta wanwan etlit/opisal i kalap long wanem trenspot yu stretim pinis.

I mas i gat sekis long ol wok menesmen tim bilong yu i mas mekim. Tingim, olgeta manmeri i amamas long raun i go long nupela ples, na save gat birua i ken kamap. Taim mi tok birua, mi toktok long ol sutkes i lus, tim i bungim birua long rot, lus tingting long samting yu mas bringim wantaim yu, na lis i go yet.

Long katim daun ol kain kain hait birua, yu mas oltaim banisim yu yet na tim bilong yu. Yu mas oltaim klia long tim bilong yu, em ol etlit na opisal.

Olgeta i mas stap long ples bilong lusim taun tupel awa pastaim long taim bilong kalap balus, na yu mas i gat sekis long wok yu na menesmen bilong yu i mas mekim. Wanwan memba bilong menesmen tim bilong yu i mas save long wanem samting long mekim. Olsem na long dispela taim, olgeta lain i mas kamap pas long ples balus sampela awa pastaim long ol arapela lain i kamap.

Olgeta etlit na opisal i mas kisim klia toksave long taim bilong kamap long ples bilong go. Ol i mas save olsem ol i mas stap long ples balus tupela awa pastaim long taim bilong kirap.

Dispela bai givim inap taim bilong ol long painim rot bilong ol. Tasol sapos ol i nogat trenspot, orait, i mas i gat sapot i stap long kisim ol i go long ples balus.

Pastaim long taim kirap na go bilong yu i kamap klia, yu na ol tim menesmen memba bilong yu i mas mekim wok.

Dispela wok em long ogenaisim ol koud menesa long stretim gut ol tim bilong ol. Sekim ol bihainim nem, na sekim olsem olgeta kago i gat lok long en, na ol i no karim ol kain kain samting ol i no nidim. Tokim ol long lainap long spot bihainim alphabet. Tokim ol koud menesa long kisim ol balus tiket bilong ol, bai nogat wanpela i abrus. Dispela wok, i mobeta long mekim sampela de i go pinis.

Taim yu sekim in olgeta etlit na opisal, em bai isi long ol elain opisa long givim ol sia. Tingim, yu na ol menesmen tim memba bilong yu i mas ol laspela lain bilong sekin. Olgeta i mas holim wanwan boding pas. Ol koud menesa i mas tokaut kwik long wanem ol samting i nidim stretim.

Taim olgeta i sekin pinis, na holim boding pas, tokim olgeta i sindaun bung. Dispela em i wok bilong ol koud menesa. Ol koud menesa i mas soim komitmen na wok strong long dispela. Dispela em bikos olgeta wanwan etlit am i stap aninit long lukaut bilong ol, na oltaim, ol i mas i gat pawa long kisim eksen long wanem kain samting taim em i kamap.

Taim ol i toksave long taim bilong kalap long balus, ol i mas mas i go long balus bihainim stretpela lain, na ol yet i mas praud o bilip strong long mekim samting stret.

Tingim, yu mas tokim ol olsem ol em ol ambesada bilong provins bilong ol, na ol i mas bihainim stretpela na gupela pasin bilong makim gut.

Nogat wanpela i mas spak. I mas i gat lika ben o tambu long bia inap Gems i pinis.

Sapos yu laikim strongpela pilai long Gems, orait yupela i mas bihainim ol dispela tok stia.

Tim Hela dokta i dai long Kokopo

Michael Novingu i raitim

TIM dokta bilong tim Hela, husat i bin kamap long Kokopo long pilai long PNG Gems, Dokta Wesley Wale, i dai long Kokopo long Mande dispela wik taim em i pundaun long wanpela kar.

Bosman bilong Tim Hela, Ken Angobe, i tok Dokta Wale i pundaun long wanpela kar na ol i kisim em i go long Napapar Helt Senta, tasol em i dai long hap.

Angobe i tok bodi bilong Leit Dokta Wale i stap nau long Nonga Hau Sik bokis ais, na bai ol i salim i go bek long asples bilong em long Koroba, Hela provins.

Em i tok samting olsem 217 spot manmeri bilong tim Hela i go bek pinis long ples bilong ol.

Tasol 11-pela tim opisal i stap yet long Kokopo.

Ol i wetim mani kam, bai ol i stretim ol dinau bilong ol long ol haus slip, kaikai, haia kar, na ol arapela samting ol i mekim long taim bilong PNG Gems.

Dokta Wesley i bin wanpela long ol dispela tim opisal, taim birua i painim em, na em i lusim laip.

Angobe i tok dinau bilong ol i sanap olsem K287,000, we ol i mekim wantaim ol bisnis haus na ol arapela lain long Kokopo.

“Sapos ol politikal lida bi-

long Hela i salim mani kam hariap, mipela bai stretim ol dinau na go bek long asples bilong mipela. Em nau bai nogat hevi i kamap long mipela,” Angobe i tok.

Angobe i singaut long ol politikal lidaman long Hela long hariap long salim mani kam bai ol i ken stretim ol dinau bilong ol na kisim bodi bilong Leit Dokta Wesley i go bek long asples bilong em long Koroba long Hela provins.

Long wankain taim, em i singaut long Is Nu Briten provinsal gavman long helpim ol wantaim sampela mani long kisim bodi bilong Dokta Wesley i go bek long asples bilong em long Koroba.



KAM BEK: Beau Champion i redi long kam bek long senta bilong Roosters.



HOLIM FULBEK: Strong bilong em long fulbek i lukim hevi long senta.

**Spotpoto
- Pes 25**

**Spotlaipstail
- Pes 26**



**Meknais bilong Inglis opim
dua long Champion
- pes 27**



GO BEYOND



The Power to Surprise™

Planti Kainkain

GUTPELA KAR wantaim
Lonpela Taim Long Draiv I Stap Yet



CARPENTERS MOTORS

Tel: 311 2233 | Fax: 311 2440 | Email: info@carpentersmotors.com
 Our location is the corner of Waigani Drive and Ahuia Street, Gordons, Port Moresby.